



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Lex III. Eorum est scientia punienda, & seuerissimis meritò legibus
vindicanda, qui magicis accincti artibus, aut contra salutem hominum
moliti, aut pudicos animos ad libidinem deflexisse ...

urn:nbn:de:hbz:466:1-41113

ferri carentis, vel aquę seruentis ad sortes reducit. Probatio ferri carentis & similium ordinatur ad alicuius peccati occulti inquisitionem, per aliquid, quod ab homine fit, & in hoc conuenit cum sortibus. In quantum tamen expectatur aliquis miraculosus effectus, à Deo, excedit communem sortium rationem. Vnde huiusmodi iudicium est illicitum, & quia ordinatur ad iudicanda occulta, quæ diuino iudicio reseruantur, & quia diuina auctoritate non est sancitum. 2. q. 5. cap. Consulisti. Eadem videtur ratio de lege duellorum seu monomachia, nisi quod plus accedit ad communem rationem sortium, in quantum non expectatur ibi miraculosus effectus, nisi pugiles sint impares virtute vel arte. De duello vide textum cum DD. de purgatione vulgari. cap. Cura suscepti. & 2. q. 5. can. Monomachiam, & Caietanum ad longum in S. Thom. 2. 2. q. 95. art. 8. Concil. Trident. sess. 25. cap. 19. de Reformatione.

LEX IIII.

Eorum est scientia punienda, & severissimis meritò legibus vindicanda, qui magis accinīti artibus, aut contra salutem hominum moliti, aut pudicos animos ad libidinem deflexisse deteguntur. Nullis vero crimi-

criminationibus implicanda sunt, quæ sita
humanis corporibus remedia: aut in agresti-
bus locis innocenter adhibita suffragia, ne
maturis vindemijs metuerentur imbes:
aut ventis & grandinis lapidatione qua-
terentur, quibus non cuiusq; salus, aut esti-
matio laderetur: sed quorum proficit actus,
ne diuina munera & labores hominum ster-
nerentur.

THEODOSIANVS rectius posteriora ver-
ba ponere videtur (sed quorum profice-
tent actus, ne diuina munera & labores ho-
minum sternerentur) imò in Cod. illud (ne)
in antiquioribus impressionibus, saltem non
habetur.

Hæc L. cùm satis multo effectus magis &
maleficiis attribuat, in primis breuibus, quæli-
ceram concernunt, percurrendæ sunt. Dein-
de mouendæ quæstiones occurrentes & resol-
uendæ.

In Superioribus actum est ut plurimum
de eis, quæ spectant ad magiam diuinatricem:
quæ autem in hac L. continentur, concernunt
artes magicas operatrices.

Sicut bonæ scientiæ ad ornamentum utili-
tatemq; Reipub. sunt promouendæ: ita male-
cū tendant ad interitum communis salutis,
meritò legibus sunt vindicandæ, iuxta præ-
sentem Legem.

Magi-

Magicis artibus accincti malefici, mirabilia & humanam naturam excedentia opera perficiunt. Malefici dicuntur bene accincti diabolicis artibus: quia eis utuntur tanquam armis quibusdam, ad impugnandum alios. Possunt & dici accincti in alio sensu: quia se promptos expeditosq; exhibent, ad actiones malas, pro Diaboli voluntate.

Magicæ vetitæ vanitates artes dicuntur: quia ex præscripto Dæmonum aut suorum ministrorum, certis ritibus & modis exercentur. Artem igitur magicam aut maleficam intelligimus, cognitionem, experimentum & exercitium diabolicarum operationum. Arsenim est potius habitus operatinus, quam speculatiuus, vt docent Aristot. lib. 6. Ethic. & S. Thomas I. 2. q. 57. art. 3. Quare qui opera diabolica exercent, artem magicam exercere dicuntur. Nec est de ratione artis, vt quidam sentire videntur, vt ex libris addiscatur; quando improbant maleficas nullas scire artes, eò quod libros non habeant, imò vt plurimum legere nesciant. Sunt enim artes liberales: vt Grammatica, Poëtica, Rhetorica & cæteræ. Sunt etiam mechanicæ: priores ex libris addiscuntur: posteriores communiter ex instructione magistri: & inter has quædam sunt vilissimæ: vt vendere sal, oleum & huiusmodi similia. Bartol. in L. Ne quis. C. de dignit. lib. 12. Berthach. in repertorio, verb.

Ars.

Ars. Ars magica refertur inter artes vetitas & reprobatas, quare dicitur legibus odiosa. C. de thesaur. L. Vnica. lib. 10. Reprobatae autem sunt, quia eorum magister Dæmon est, qui eas docet vel immeditatem per se, vel mediatem per suos ministros. Nec longum tempus ad descendum requiritur, cum ipse mille artifex sit; breuissimo tempore suos docet facere mirabilia quæ humanum ingenium superant. His addere possumus, maleficas etiam dicentes in alio sensu familiari non solum grammaticis, sed etiam legibus: ars enim significat astutiam, dolum, & fraudem ac singularem nocendi malitiam. can. Quicunque. 22. q. 5. Quacunque arte verborum quis iuret, Deus non decipitur: & C. de his, qui ad statuas confugiunt. L. 1. Si probati fuerint artibus suis (Glossa ibidem, id est, malitijs) inuidiam inimicis creare voluisse. C. de præscrip. trigesima vel quadraginta annor. L. Omnes. Omnes nocendi quibuslibet modis artes omnibus amputates. C. de suffragio. L. 1. Si artibus moramque etant. Magicæ artis nomine rectè ergo intelligere possumus insigne nocendi studium, aut decipiendi malitiam, aut fraudem & dolum. Quid enim ex his omnibus desideratur in maleficiis? Discipuli sequuntur præscriptum magistri, qui abundat malitia, nequitia, fraude & dolo.

Præterea circa illa verba L. (Nullis vero crimi-

erminationibus implicanda sunt quæsita humanis corporibus remedia: aut in agrestibus locis innocenter adhibita suffragia, ne matutinis vindemijs metuerentur imbræ, &c.) Notat pleriq; Doctores Bart. Salyc. Godefrid. Azo & alij, incantationes ad finem boni, de lege ciuili esse licitas: Non autem de iure canonico, & in foro conscientiæ. Sed infra hoc dictum examinabitur. Angelus verò dicit: Nota, h̄c posse incantari grandines ut non noceat: & intellige, in virtute diuina, non per inuocationem Dæmonum: quia istud est prohibitum omni iure.

Obseruandum quoq; antiquis temporibus maleficos consueuisse sua maleficia & incantationes in agrestibus, siluestribus & occultis locis exercere: ut nunc etiam faciunt. Causas autem huius rei assignauimus in superiori tractatu. Quas cæteris latius explicant Paulus Grillandus lib. 2. de Sortileg. q. 4. & Iodocus Damhauderus in pract. Criminal. cap. 61. numero 119.

Circa finem L. considerandum est, quod maleficorum opera, diuina munera & labores hominum prosternantur & perdantur. Fructus terræ sunt diuina munera: quia etsi homo plantet, Deus tamen incrementum dat, ut crescant pro conseruatione hominum. Et sunt labores mortalium: Quia homo operibus manuum suarum terram fodit, serit se-

L1

min:

mina, & agros vineasq; colit. Vnde in Sacris li-
teris fructus dicuntur etiam opera manuum.
Aggæi 2. cap. . Percussi vos vento vrenti, &
grandine omnia opera manuum vestrarum.
Iob. i. Opera manuum eius benedixisti, & pol-
fessio eius creuit in terra. Sternuntur autem
munera diuina, & labores hominum, quando
malefici cooperantibus Dæmonibus aut mes-
sem in herbis perdunt, aut iam flori propin-
quos segetes grandine, pruina, aut intempesti-
uis imbribus lœdunt, ne labores hominum
debitum sortiantur effectum : aut grandinis
lapidatione fructus iam colligendos excu-
tiunt, vel etiam vineas vuis marescentibus
inutiles reddunt. Perduntur enim labores ho-
minum, quando ferè integro anno homines
laborârunt, omnem substantiam impende-
runt, & cùm fructus iam prope modum matu-
ri impediuntur, ne suum effectum consequâ-
tur. Hæc circa literæ explicationem sufficiant.

QUAESTIO. I.

*An malefici possint animos ad amorem
deflectere ac mouere, ut lex Constantini hoc
in loco innuit?*

JOANNES VVierus lib. 3. de præstigijs Dr-
monum, cap. 38. fugillat Imperatorem in
hoc L. quod arte magica amorem conciliari
senserit.

In

In primis ex fidei principijs præsupponendum est, Diabolum non posse efficaciter cogere liberam hominis voluntatem ad peccatum, vt S.Thom. i.2.q.8o.arti.2. & 3. ostendit. Mouetur autem homo indirectè à diabolo ad peccandum, qui tanquam potentior creatura, potest agere in materiam corporalem, & sic sensum vel interiorem vel exteriores aliquando immutat: aut de nouo sensibile aliquod formando, aut formatum sensui obijciendo, aut spiritus & humores intus commouendo: Cùm autem summa sit coniunctio inter potentias sensitivas & rationales, motis sensitivis, indirectè mouentur rationales. Sic Diabolus, quando vult animum ad libidinem flectere, aut ad odium, mouet exteriores hominem caussis intrinsecis, deinde obiectum proponit sub ratione boni vel pulchri, vt ametur appetaturq;: aut sub ratione mali & deformis, vt efficiat hororem & odium, & hoc modo indirectè per modum persuadentis & propONENTIS obiectum vt appetendum, aut fugendum, deflectit animum ad libidinem, aut odium: voluntas autem manet libera, licet aliquo modo trahatur, iuxta illud: Trahit sua quemque voluptas. His præmissis statuitur, Conclusio resolutoria.

Magi & malefici possunt animos pudicos ad libidinem & amorem flectere, & verissimè Constantinus imperator in d.L. attestatur.

L. I. 2

Hæc

Hæc est communis recte sentientium
Theologorum & Iurisperitorum doctrina.
Probatur in primis ex alijs II. leges tradunt esse
venena & pocula amatoria. L. 3. §. Adiectio. ff.
ad L. Corneliam de Sicarijs: & ff. de pœnis. L.
Si quis aliquid. §. Qui abortionis, aut amato-
rium poculum. Atq; has leges sequuntur Iu-
risperiti in d. II. & alibi. Alberic. in Rubr. C. de
hæretic. num. 6. Azo in hoc tit. de malef. & ma-
them. Bonifac. de Vitalinis in tract. de male-
ficiis. Godefrid. in præsentि L. Angelus ibid.
rectissime admonet his verbis. Nota, per incá-
tationem animum mulierum ad libidinem
flecti, & ideo non truferis, cùm audis istas fa-
cturas fieri, quia veræ sunt. Paulus Grillandus
de Sortilegijs q. 3. & q. 12. Oldradus de Ponte,
in consil. 210. incip. Regularis habet traditio.
Panormitan. in cap. In tabulis, de Sortilegijs
num. 4. Ioannes ab Anania ibidem in Rubrica.
Petrus Anchar. ibid. in c. Ex tuarum. Et in lib.
6. de hæret. cap. Accusatus. §. Sanè: Hostiens. in
summa, de Magistris. §. Quam scientiam. Fran-
ciscus Squillacens. de fide Catholica, cap. 8. &
alij alibi. Theologi sequuntur. S. Hieron. su-
per Nahum 3. c. Attribuit maleficijs & incan-
tationibus, quod faciant amare ea, quæ odile
debuerant: & detestari, quæ amare debebant.
Idem Hieron. lib. 3. commen. in epi. ad Ephes.
cap. 6. Sunt quidam Dæmones amoribus &
amatorijs canticis seruientes. S. Thom. & Bona
uent.

uent. in 4. sent. d. 34. Petrus Paludan. ibid. Tur-
regr. in 33. q. 1. c. Si per sortiarias. Doctores mal-
lei maleficarum. i. part. q. 7. Alphons. Castren.
lib. 2. de iusta heret. punitione, cap. 15. Michaël
Medina lib. 2. de recta in Deum fide, cap. 7. &
alij alibi. Ratio ducitur ex sacris literis, & ex-
perientia. Dæmon, omnium rectè sentiētium
iudicio, potest incendere hominem ad libidi-
nem: Qua ratione dicitur spiritus fornicatio-
nis, Osee 4. vt annotat Caslian. collat. 7. cap. 32.
Ergò non potest alienum esse à magis & male-
ficiis: quia hi Dæmonum potestate sua perficiunt
maleficia. Ad hanc materiam faciunt
exempla, atq; illud in primis de S. Cypriano
memorabile est. Cùm enim S. Iustina Antio-
chiae frequētaret Ecclesiam, visa est à quodam
scholastico nomine Agadio, qui ob virginis
pulchritudinem incidit in eius amorem, eam-
que in uxorem petiit: quæ cùm omnibus ob
eam caussam aduentantibus diceret, quod
Christo cœlesti sponso desponsata esset. Ira-
tus cùm aliud medium non occurreret, abiit
ad Cyprianum tum adhuc Magum, promit-
tens ipsi duo tolenta auri, vt Iustinam malefi-
cijs caperet: Cyprianus magicis artibus Dæ-
monem accersit, & ait illi: amo virginem de
Galilæa (Christiani enim tunc vocabantur
Galilæi) potes ne ei persuadere & adducere
mihi? Qui promisit ei dicens: Accipe hoc me-
dicamentum, & sparge circa domum eius, &

Ll 3 eg@

534 COMMENT. IN TIT. C.

ego superueniens paternum sensum ei iniij-
ciam, & statim obediet mihi. Cumque Cy-
prianus ita fecisset, sancta virgo tertia noctis
hora surgens ad orationem, sensit impetum
Dæmonis. Signauit itaque se, & domum suam
signo sanctæ Crucis, & Dæmonem in fugam
conuertit. Qui veniens ad Cyprianum confu-
sus, & cur virginem non adduxisset requisitus,
ait: Vidi quoddam signum Thau. Iterum Cy-
prianus arte magica alium Dæmonem fortio-
rem vocauit, & simili modo fecit, & similiter
eidem accidit. Tandem vocauit Dæmonem
superiorem, & ait illi: Quænam est vestræ
firmitas? victa est ab yna virgine omnis vestræ
virtus? Respondit Diabolus. Nunc adducam
tibi eam ad desiderium, tu tantum paratus sis.
Tunc Diabolus in specie virginis ad Iustinam
intravit, & sedens super lectum eius, eandem
tentando dixit: Hodie missa sum à Christo ad
te, viueret tecum in castitate: Multum autem
te video vexatam abstinentia. Sancta autem
virgo dixit: merces autem multa, labor vero
modicus. Dixit ei Diabolus. Deus in Para-
diso benedixit Adam & Euam, dicens: Cres-
cite & multiplicamini. Si ergo in virginitate
manserimus, in iudicium incidemus, quia
verbum Dei contemnimus. Tum virgo tur-
bata surrexit, & per spiritum sensit: quis esset
qui ei loqueretur, signo crucis se signans: quo
facto Dæmon disparuit, & Cypriano confusus

appar.

apparuit. Qui dixit ei: & tu victus es, ut cæteri
subiecit tui? Quomodo enim victus es ab una
virgine Christiana? Dic mihi quæ sit virtus vi-
ctoriae eius. Qui respondit, dicere tibi non
possum: quoddam vidi terribile signum Thau.
Siautem virtutem huius signi vis cognoscere,
iura mihi quod nunquam velis à me discede-
re. Quicum iurasset, ait illi. Vidi signum cruci-
fixi, & Thau: & sicut cera à facie ignis fluxi.
Cui dixit Cyprianus. Ergo crucifixus maior
est? Qui respondit: etiam maior omnibus est:
quia desertores Dei accipiunt ab eo senten-
tiā ignis. Cyprianus autem ait: Festinabo
igitur, ut amicus siam crucifixi, ne talem pœ-
nam incurram. Diabolus respondit. Iurasti
namq; mihi. Cyprianus ait: Contemno te, &
omnes fumigantes virtutes tuas, meq; ipsum
tibi denego, & me consignans dico: Gloriam
tibi do Christe, & tu Dæmon recede à me.
Abi! ergo Diabolus confusus. Cyprianus ve-
ro errorem suum agnouit & propalauit, frau-
demque & seductionem diutinam, libris ma-
gicis in ignem coniectis, Vulcano dicauit: &
peream Virginem, scilicet Iustinam, Christo
pulcherrimè desponsatus, sacraq; Christiano-
rum complexus est, paulatim in presbyterum
ordinatus, mox ad Episcopatum electus, do-
ctrina & conuersatione clarus, consummatæ
virtuti martyrium adiunxit. Huius historiæ
Nicepho. Calist. lib. 5. histor. Ecclesiast. cap. 27.

Gregorius Nazianzen. in orat. in laudem Cypriani martyris. Metaphrastes apud Lipomanum tom. 6. de vitis Sanctorum, & apud Surium tom. 5. in mense Septemb. meminere. Ad eundem scopum illustre est, quod narrat S. Gregor. lib. I. Dialog. cap. 4. Eo (ait) tempore, quo malefici in hac sunt vrbe Romana deprhensi, Basilius (qui in magicis operibus primus fuit) in monachico habitu Valeriam fugiens petijt. Qui ad virum Reuerendissimum Castorium, Amirtinæ Ciuitatis Episcopum pergens, petijt ab eo, vt eum Equitio Abbatii committeret, ac sanandum monasterio illius commendaret. Tunc ad monasterium venit Episcopus, secumq; Basilium monachum adduxit, & Equitum Dei famulum rogauit, vt eundem monachum in congregationem susciperet. Quem statim vir sanctus intuens, ait: Hunc quem mihi commendas, pater, ego non video monachum esse, sed diabolum. Cui ille respondit: occasionem queris, ne debeas praestare quod peto. Ad quem mox Dei famulus dixit: Ego quidem hoc eum esse denuncio, quod video: ne tamen me nolle obedire existimes, facio quod iubes. Susceptus itaque in monasterio est. Post non multos verò dies idē Dei famulus, pro exhortandis ad desideria superna fidelibus, paulò longius à cella digressus est. Quo discedente contigit, vt in monasterio virginum, in quo eiusdem patris cura

vigi-

vigilabat, vna earum, quæ iuxta carnis huius putredinem, speciosa videbatur, febricitare inciperet, & vehementer anxiari, magnisq; vocibus cum stridore clamare: Modò moritura sum, nisi Basilius Monachus veniat, & ipse mihi per suę curationis studium salutem reddat. Sed in patris absentia accedere quispiam monachorum in congregationem virginum non audebat: Quanto minùs ille, qui nouus aduenierat, cuiusq; vita adhuc congregationi ignotaerat. Missum repente est, & Dei famulo Equitio nunciatum, quod sanctimonialis illa immensis febribus æstuaret, & Basilius Monachi visitationem anxiè quereret: Quo audito vir sanctus de dignando subrisit: atq; ait. Nunquid nam dixi, quod diabolus est iste, non monachus? Ite, & eū de cella expellite: sanctus autem vir ancillam Dei monialem absens solo verbo curauit, ita vt neq; amplius febri laboraret, nec Basilium expeteret. Omnes autē monachi iussionem patris sui implentes, eundem Basilium ex monasterio repulerunt. Qui repulsus dixit frequenter, se cellam Equitij magicis artibus in aëra suspendisse, nec tamen eius quempiam lädere potuisse. Basilius autē non post longum tempus in Romana vrbe, ex ardiente zelo Christiani populi, igne creatus est. Hæc ex Gregorio. Haud dissimile narrat B. Hieronymus in vita S. Hilarionis. Erat enim iuuenis Emporij Gazensis, qui vir-

L1 , ginem

ginem deperibat, id est, vehementer amabat. Qui cùm frequenter tactu, iocis, nutibus, sibilis, & cæteris huiusmodi, quæ solent morituræ virginitatis esse principia, nihil profecisset, perrexit Memphis. Anno elapsorum magicis artibus instruētus, ab AEsculapij vatibus rediit, & subter limen domus puellæ tormenta quædam verborum, & portetosas figuræ sculptas in æris Cyprij lamina defodit, & illicò amore insanire virgo, & amictu capitis abiecto, rotare crinem, stridere dentibus, inclamare nomē adolescentis: magnitudo quippe amoris eam in furorem verterat. Perducta ergo à parentibus in monasterium seni traditur, ululant statim & confitente Dæmone. Vim sustinuit, inuitus sum abductus: quām bene Memphis somnijs homines deludebam? O cruces, O tormenta, quæ patior. Exire me cogis, & ligatus sub limine teneor. Non exeo, nisi me adolescentis, qui tenet, dimiserit. Tunc senex: Grandis ait, fortitudo tua, qui licio & lamina strictus teneris. Dic, quare ausus es ingredi puellam Dei? ut seruarem, inquit, eam virginem. Tu seruares proditor castitatis? Cur non potius in eum, quite mittebat, es ingressus? ut quid, respondit, intrarē in eum, qui habebat collegam meum amoris Dæmonem? Noluit autem sanctus, antequam purgaret virginem, vel adolescentem, signa iubere perquiri, ne aut solitis **incantationibus** recessisse Dæmon videretur,

aut

aut ipse sermoni eius accommodasse fidem:
afferens fallaces esse Dæmones, & ad simulandum esse callidos: & magis redditâ sanitatem increpuit virginem, cur fecisset talia, per quæ Dæmon intrare potuisset. Hæc ex Hieronymo. His accedunt Poëtæ & naturales, qui faciunt mentionem de Philtro & Hippomane. Ouid.lib.2.de arte amandi.

Philtra nocent animis, vimq; furoris habent.

Et Propertius lib. 4. in lenam quandam.

*Consuluit striges nostro de sanguine, & in me
Hippomanes fætæ semina legit equæ.*

Iuuenal is Satyra 6.

*Hic magicos adfert cantus, hic Thessala vendit
Philtra, quibus valeant mentem vexare mariti.*

Hippomanes à doctis refertur intervenientia amatoria, & est caruncula quædam, quæ in pulli equini fronte consurgit, quæ evulsa & in puluerem conuersa ad amorem concitandū dicitur efficacissima. De hoc Hippomane agunt Aristoteles de natura animalium lib. 6. cap. 22. Plinius lib. 8. histor. naturalis cap. 42. & Seruius lib. 3. Georgicorum in il-
lud Vergilij.

*Hinc demum, Hippomanes vero quod nomine dicunt
Pastores.*

Dicit

Dicit Aristoteles, quod Hippomanes petitur & percipitur à veneficis mulierculis. Philtrum autem latinè dicitur amatorium. Vnde Philtrum communiter usurpatum pro genere veneni, amorem & insaniam inferentis : & sic tradunt frequetissimè hominem ad furorem & insaniam concitare: & aliquando sequitur mors. Quare Doctores quando agunt de pena propinantis poculum amatorium, dillinguunt, an sequatur mors, vel non. Ut infraq. Id tamen obseruandum est, quod licet quædam naturalia vim habeant ad accendendum libidinem, & commouendum animos in genere: non tamen eis ineft naturalis vis, ut in hanc personam potius animus feratur, quæ in illam: sed hoc contingit operatione Dæmonis, qui cum mago aut malefico ex pacto concurredat procurandum amorem in illa persona, in cuius perniciem maleficus sua signa dirigit. Tamen hoc etiam annotandum est, ut Michaél Medina loco citato tradit, quod est differētia inter ea, veneficia amatoria, quæ à verbis: & ea, quæ à potionibus, aut rebus descendunt: quod priora minus sunt periculosa, ut pote quæ tantum diabolica suggestione imaginationem perturbent: Posteriora autem præter hanc inuasionem, etiam corporali estro libidinis vexent, & ita plerumque insaniam coarctent.

QVAE.

QV AESTIO II.

De veneficijs & poculis amatorijs.

An sapient hæresim, vel spectent ad peccatum hæresis pocula amatoria?

DISPVTANT Doctores ut plurimum locis citatis in principio superioris q. Pro termini intelligentia, nota (sapere hæresim) nihil aliud esse, quam vehementem hæresis suspicionem præbere. Vnde quād documq; aliquod factum, aut dictum grauem præsumptionem hæresis offert, hæresin sapit. Deinde in maleficiorum distinctione & cognitione voluntas intentioque inspicienda est, quid operans intendat, quis eius sit finis, quam fidem habeat in applicatione rerum, quibus vtitur. Ali quando enim adhibentur naturalia, quæ nullam habent efficientiam in ordine ad effectum producendum: aliquando sacramenta & sacramentalia, quibus etiam nullus inest effectus ad tam sceleratum finem. Nunc pro resolutione, quum varietas rerum efficiat decisionis diuersitatem, sit

Prima Conclusio. *Si sortilegia amatoria ita fiant, ut in illis adsit invocatio Demonis per modum adorationis, aperte sapiunt hæresim.*

OLDRA-

OLDRADVS in cons. 210. Grilland. in q. 10.
de Sortilegijs, & alij vbi suprà.

Secunda Conclusio. *Etiam si non fi-
ant per modum adorationis, modo in talium
maleficiarum exercitio expetatur, & expe-
ctetur a Dæmonie aliquid, quod soli Deo face-
re conuenit, sapiunt hæresim.*

Quia tribuitur creaturæ quod Deo debetur.

Tertia Conclusio. *Si inuocetur sim-
pliciter Dæmon ad tentandum pudicitiam
hominis, licet grauissimum sit peccatum su-
perstitionis, non tamen sapit hæresim.*

CONCLVSIO est communis Doctorum.
Ratio: quia in casu huius conclusionis tri-
buitur Diabolo, quod eius proprium est, sci-
licet tentare, vnde tentator dicitur, Matth. 4.

Quarta Conclusio. *Ab illis, qui ama-
toria maleficia exercent, inquirendum est
cum diligētia, an credant maleficia, aut Da-
emonem posse cogere alicuius viri, vel fæm-
ine voluntatem ad amorem in honestum.*

QUOD si hoc credant, vehemens est hæ-
sis suspicio, & si instructi de veritate, ac-
quiescere nolint, tanquam hæretici sunt ha-
ben-

bendi. Quia credere, hominis voluntatem à Dæmone, aut malefico efficaciter cogi ad amandum aliquem, vel aliquid: hæresis est aperta, cum repugnet libertati à Deo nostrę voluntati inditæ. Si enim voluntas à Dæmone cogitur ad aliquem amandum, iam non est libera, nec in manu consilij sui, secundum Salomonem in Ecclesiast. 15. cap.

Quinta Conclusio. *Omne maleficium, quod exerceatur per commixtionem alicuius sacramenti, aut rei sacramentalis, reddit ipsum operatorem de hæresi suspectum.*

HANC Conclusionem tradunt Panormiti. in cap. 1. de Sortilegijs ex Glossa lib. 6. de hæretic. cap. Accusatus. §. Sanè. & Alfonius Castrensi. loco citato, contra Oldradum & Grillandum. Ratio clara est. Sapere hæresin nihil aliud est, quam fortem præbere hæresis suspicionem. Quis autem ad tam abominabilem usum res sacras adhiberet, nisi aut effectum habere existimet, aut nullius esse momenti iudicet, & sic contemnat mysteria nostræ salutis: quæ an non sapient hæresin, quisq; æquus rerum æstimator facile animaduertet,

QVAE.

QV AESTIO III.

Quæ sit pœna præbentis poculum amatorum?

VT huius quæstionis resolutio fiat, prænotandum: quod quando poculum amatorum præbetur; aut sequitur mors, aut non sequitur. Præterea aut tale poculum sapit hæresin, aut non. Tandem aut componitur ex naturalibus medijs, sine vlla arte diaboli: aut magica arte efficitur tale poculum.

Prima conclus. *Quando poculum amatorum conficitur tali modo, qui sapit hæresin punitur pœna hæresis.*

GRILLAND. in tractat. de Sortilegijs q. II. Menochius casu 388. num 4. Petrus Gregorius Tholosanus in 3. parte Syntagmatis iuris vniuersi lib. 34. cap. 12. num. 9. Ratio clara est: quia pœna sequitur naturam delicti, & eidem commensuratur.

Secunda Conclusio. *Dans poculum amatorium ad malum finem, si ex eo mors sequatur, quomodo cumq[ue] sit compositum tale poculum, punitur pœna mortis.*

SIc scribit Petrus Crinitus in lib. de Poëtis latinis cap. 19. quod Lucretius assumpto po-

culo

culo amatorio ita furore percitus sit, ut propria manu mortem sibi intulerit. Et Plinius lib. 25. natural. histor. cap. 3. narrat de Lucullo, quod hausto poculo amatorio, vitam finierit. Dicta conclusio constat ff. de pœnis. L. Si quis aliquid ex metallo. §. Qui abortionis. vbi expressè decernitur, quod si mulier ex poculo abortionis, vel amatorio, aut vir pereat, ultimo suppicio dans afficiatur. Ibidem Bartol. Grilland. de Sortileg. q. 12. Damhauderius in practica Crimin. cap. 61. num. 88. Menoch. lib. 2. de arbitrio Iudic. qq. cas. 358.

Tertia Conclusio. *Si quis arte malefica & magica animum hominis ad amorem illicitum deflectat, pena ultimi suppli-
cij punitur, etiam si mors non sequatur, si-
mus in d. L. Eorum.*

PROBAT Grilland. q. II. num. 7. Quia dicta L. & equiparat, quantum ad pœnas, illos maleficos, qui flectunt pudicos animos ad libidinem, & illos qui contra salutem hominū molliuntur, & statuit eos seuerissimis legibus vindicandos. Eandem Conclusionem docent Menoch. lib. d. casu 388. num. 5. & Petrus Gregor. loco cit. nu. II. Ratio est etiam in promptu. Quia arte magica & diabolica vti, tam secundum legē diuinam, quam ciuilem, capitale est vti in frā latius patebit in L. Nemo Aruspicem.

Mm

Quar-

Quarta Conclusio. *Præbens poculum amatorium absq[ue] arte magica, si mors non sequatur, punitur extraordinariè adiudicium iudicis, pro varietate circumstantiarum occurrentium.*

MENOCHE in d. casu 358. & Petrus Gregor. loco citat. & alij alibi. Ratio est: quia tentat pudicitiam, quæ res est turpissima, & pessimi exempli: olim tamen, ut clarum est ex text. & Gloss. in d. L. Si quis aliquid ex metallo. §. Qui abortionis. de lege ciuili humiliores in metallum damnabantur, honestiores in insulam, amissa etiam parte bonorum, relegabantur. Et quia hisce temporibus pœnæ relegationis & effodiendi metallum in v. su non sunt, iudicis arbitrio talis puniendum est.

QV AESTIO IIII.

An malefici possint inducere pluias, tempestates, grandines, & similia meteorologica, quibus fructibus, aut seminibus noceant, ut d. L. significat.

JOANNES VVierus lib. 6. de præstigijs Demonum, cap. 27. & alibi, dicit, Christianum Imperatorem in his LL. locutum, non quasi ipse crediderit, vel alios credere voluerit, eiusmodi miracula siue calamitates ab homini-

minibus per malas magicasq; artes edi ac perfici; sed ita potius accipienda, quasi desumpta & scripta ex opinione vulgi, & secundum cōmunem loquendi formam. Quanquam, inquit, si auctoritatem spectemus, quis est qui ambigat, in hoc negotio iuri diuino summam tribuendam & fidem & reuerentiam? In causis enim definiendis, ijs pr̄sertim, quę spectat ad animum, cuiusmodi nostra est, dicta Patrum & canonum legibus sunt pr̄ferenda. Panormit. in cap. Super illa, de secundis nuptijs, neq; leges ipsæ dedignantur sacros canones imitari. Authent. vt cleric. apud propriūm Episcop. in fine. Hæc VVierus, quem sequitur Ioannes Georgius Godelmannus Iurisperitus lib. 2. de Lamijs cap. 7. à nu. 15. Antequam huic quæstioni satisfiat, ad rei cognitionem quædam sunt præmittenda.

Primum. Deo permittente, natura corporalis nata est moueri ab angelo, tam bono, quam malo, motu locali, vt tradunt S. Augustin. lib. 3. de Trinitat. cap. 8. & 9. & S. Thom. t. par. q. no. artic. 3. & 1. 2. q. 80. artic. 2. ac alij Theologii in 2. d. 7. Quæcumque ergo solo motu locali fieri possunt, hæc per naturalem virtutem Dæmones (nisi diuinitus prohibeantur) facere possunt. Venti autem & pluuiæ, gradines, & similes meteorologicæ impressiones, acaëris perturbationes, solo motu vaporum resolutorum ex terra & aqua fieri possunt.

Mm 2 Vnde

Vnde ad huiusmodi procreanda naturalis virtus Daemonis sufficit: & ut hoc clarius, pateat Secundo loco præmittendum, causam efficientem vniuersalem & remotam horum meteorologicorum effectuum, ex Aristotele, Alberto & alijs, in lib. Meteorologicorum, esse calorem solis & aliarum stellarum, quæ lumine & influentia sua agunt in aquam & terram, quæ sunt elementa vaporabilia & ea mouent: modant ex sua dispositione naturali vapores: ei quibus generantur impressiones humidæ in aëre, qui aptus est ad recipiendum hos vapores. Eleuantur autem quatuor vapores ex dictis elementis, virtute solis & stellarum. Primus siccus & calidus est, qui ascendens usque ad summam siue supremam aëris regionem, prope spheram ignis, inflammatur, & ex eogenitius generantur impressiones ignitæ. Secundus est calidus & humidus, qui quando recipitur in prima aeris regione, quasi semper conuertitur in aërem, nisi intensa aeris frigiditas impedit eum: Cum enim in qualitatibus assimuletur aeri, & in habentibus symbolum facilior sit transitus: facilimè in aërem conuertitur, ita quod ex eo rarissimè generetur impressio aliqua meteorologica. Tertius est frigidus & siccus, & hic efficit ventum & terræ motum. Quartus est frigidus & humidus, qui ascenderet causat omnes impressiones aqueas: aliquas per condensationem, ut rorem & pluuiam: alias

per congelationem, ut pruinam, grandinem & niuem. Vapor autē humidus distinguitur, per subtilem & crassum: ex subtili generatur ros & pruina: ex crasso reliquæ aqueæ impressiones oriuntur. Cum autem non raro pruina & grandine nostri malefici nocumenta inferant, dehis ex naturalibus aliqua altius sunt repetenda. Quoniam pruina ex frigiditate nocturna intensa & acuta generatur, maximè stante vento Boreali, eius effectus est, quod mortificet vegetabilia, ut patet omnibus ad sensum. Est enim pruina omnino frigida, & tendit ad siccitatem, quæ duo sunt causa mortis, ex Aristotele in lib: de caussa vitæ & mortis: Sicut è contrario ros vivificat vegetabilia, quoniam temperatè est calidus & humidus. Calidum autem & humidum temperatè mixta, sunt causa vitæ, ut patet in æstate, quando manè ex nocturno rore omnia virescunt. Hæc virtus pruinæ patet etiam ex illo Psalmi 77. Et occidit in grandine vineas eorum, & moroseorum in pruina. Atque hinc apparet ratio, quare nostri malefici & sagæ tempore Veris, quando omnia terræ nascentia virere & florere incipiunt, & adhuc teneriora sunt, pruinam generent, & sæpius eo tempore in congregationibus suis sceleratis tractatus ineant de generatione pruinæ. Grando sit in nubibus à terra longinquis, eleuatis in altum. Cuius generationis causa est calor, qui est in vapore ascendentे à terra &

Mm 3

aqua:

aqua: quare plus generatur in partibus & temporibus calidis, quam frigidis. Quando enim in aere est multitudo caliditatis, aperitur nubes ex caliditate, & calor extenditur in aere: & ideo totum frigus tanquam contrarium caloribus aere repellitur, & recipitur ad unum locum in interiora nubis. Sicut videmus in pane congelato, si igni apponatur, repente in medio panis frigus colligitur, & ibi fit durissimus ex congelatione. Sic in nube vndique calefacta exterius, frigus contrahitur ad interiora. Ac stillæ pluviæ ventis & frigore congelantur, & in lapides grandinis mutantur: & cum sint naturæ aquæ, congelantur in modum guttarum aquæ, & fiunt lapilli rotundi & parui. Quando autem multæ guttæ conglobantur in unum, & sequentes cum præcedentibus coniunguntur, fiunt longioris formæ grandines, & excedunt solitam quantitatem, & quandoque non solum bestias, sed etiam quæcunque terrestria lata & frumenta concutiunt & conterunt. Effectus grandinis in primis est mortificatio fructuum, & nascentium terræ, quæ non solum prouenit ex percussione, sed etiam ex frigiditate intensa, quæ est rei viuentis mortificatiua, ex Aristotele in lib. de causa mortis & vitæ. Deinde ut plurimum fructus illo anno percussos facit amaros: quoniam cum generetur ex calidissima nube, habet aliquid de austo, quod vuas præsertim à grandine tam

& tem-
o enim
tur nu-
aère: &
m calo-
num lo-
is in pa-
e in me-
durissi-
diq; ca-
interio-
conge-
ntur: &
in mo-
rotundi-
conglo-
cedenti-
rme grá-
tem, &
m quæ-
cutiunt
rimis est
m terra,
one, sed
i viuen-
de caussa
fructus
niam cù
aliquid
dineta-
gas

asadurit, vt patet ad sensum, quādo vuæ nec
dum maturæ grandinis lapidatione tangitūr,
& quatiuntur. Est & aliud notandum in gran-
dine, aliquando si granum diuidatur in me-
dio, habet partes nigras, per modum circuli
depicti: cuius ratio est, quoniam habet multū
de terrestri impuro, quod vt magis densum
tendit ad medium grani, vt poterit magis graue.
Et quod sit ibi multum de terrestri impuro,
signum est, secundum Albertum in 2. lib. Me-
teor. tract. i. ca. 20. quod aliquando in frustis
grandinis inueniuntur pili, paleæ, & frustula
ligni, quæ eleuauit sol cum vapore humido,
qui est materia grandinis. Quare aliquando
simplices, qui caussas rerum naturales igno-
rant, quando aliquid huiusmodi grandini in-
clusum animaduertunt, statim suspicantur ei-
se negotium diabolicum, cùm tamen sit opus
naturale. Inuenimus autem in Scriptura, sæ-
piissimè Deum Optimum Maximum puni-
uisse homines grandinis lapidatione. Exod. 9.
cap. Extende manum tuam in cœlum, vt fiat
grando in vniuersa terra Aegypti, super ho-
mines, & super iumenta, & super omnem
herbam agri, in terra Aegypti. Extenditque
Moyses virgam in cœlum, & Dominus dedit
tonitrua & grandinem, ac discurrentia fulgu-
ra super terram pluitq; Dominus grandinem
super terram Aegypti. Et grando & ignis missa
pariter ferebantur, tantæq; fuit magnitudinis,

Mm 4

quan-

quantæ antè nunquam apparuit in vniuersa terra Aegypti, ex quo gens illa condita est. Et percussit grando in omni terra Aegypticuncta, quæ fuerunt in agris, ab homine vsque ad iumentum, cunctamque herbam agri percussit grando & omne lignum regionis confregit. Iosue 10. Cum fugerent filios Israel hostes, misit Dominus super eos lapides magnos, & mortui sunt multo plures lapidibus grandinis, quam quos gladio percusserunt filii Israël: Aggæi 2. Percussi vos vento vrenti, & auragine, & grandine omnia opera manuum vestiarum, & non fuit in vobis, qui reuerteretur ad me, dicit dominus. Sap. 5. Esaiæ 30. & alibi similia habentur de pœna grandinis. Quare nunc etiam non est mirum, hominum peccatis id exigentibus, si mediante opera Dæmonum & malorum hominum, permittat grandinis lapidatione nos puniri.

Tertium præmittendum. Regula est Theologorum, quam ponit Martinus Arles in tract. de superstitionibus, & elicetur ex Doctoribus in 2. sentent. d. 7. & 8. & in 4. d. 34. quod malefici, procurante Dæmons, omnibus modis possunt procurare nocimenta & læsiones, in hominibus & eorum rebus, quibus potest Dæmon lædere: Qui malefici, diuina permisiōne præcedente, concurrunt cum Dæmons, ad unum eundemque effectum, tanquam causæ partiales, ut alibi dictum est, & clariū est quam

vt egeat

ut egeat probatione: per pactum enim tacitum aut expressum coniunguntur homo & Dæmon, ad operationem effectuum, homini quidem per se impossibilium. Homo voluntatis consensu concurret ad actum suas vires superantem, ac etiam extremum nonnunquam actum exercet, quo Dæmonem in auxilium vocat, ut exequatur suam voluntatem pessimam. Qui Dæmon tunc immediate concurret ad efficientiam actus. Quare valde male argumentantur in hac materia, qui arguunt: homini nec vires sufficiunt nec potentia adest, ut guttam aquæ efficere possit: ergo malefici non possunt grandinis lapidatione, aut intempestiis imbribus nocere. Quia malefici concurrunt cum Dæmone, qui potest huiusmodi Meteorologica in pernitiem hominum, Deo permittente, excitare: & quando sic concurredimus, perinde est ac si nos faceremus, nobisque imputatur ad culpam. Quæ enim per nostros facimus, perinde imputantur, ac si nos facheremus. Quia sic paria sunt, aliquid per se, vel per alium facere. L. Item eorum. §. i. ff. quod cuiusque vniuers. nom. L. hoc iure. §. i. ff. de reguli iuris. & L. Is. damnum. ff. eod. tit. Certum autem est Dæmonem posse excitare grandines & tempestates, quamuis VVierus neget, in Epistola ad Ioannem Brenzium, de concione eius habita de Grandine. Quia claram est ex Job. i. quod Sathanas effecit, ut ignis

Mm 5

de cœlo

de cœlo caderet , qui consumeret pecora Iob.
Et iterum : vehemens ventus irruit à regione
deserti , & concussit quatuor angulos domus ,
quæ corrueens opprescit liberos . Atque hunc
ignem à Diabolo procuratum textus clarus
indicat , & attestantur S. Augustin. in Psalm.
77. vbi ostendit , Dæmonem multo maiorem
habere actionem in Elementa , quam homo
habeat. S. Thom. in cap. i. in Iob Dionysius
Carthusianus ibidem , & alij Doctores , & in
Psal. 77. Tradidit grandini iumenta eorum , &
possessiones eorum igni . Misit in eos iram in-
dignationis suæ , indignationem & iram & tri-
bulationem , immissiones per angelos malos .
Apocalyp. 7. Posthæc vidi quatuor Angelos
stantes super quatuor angulos terræ tenentes
quatuor ventos , ne flarent super terram , neque
super mare , neque in ullam arborem . Et vidi
alterum Angelum ascendentem ab ortu solis ,
habentem signum Dei viui : & clamauit voce
magna quatuor angelis , quibus datum est no-
cere terræ & mari , dicens . Nolite nocere terra
& mari , neq; arboribus , quoadusque signemus
seruos Dei in frontibus eorum . Glossa ordina-
ria in illum locum ait : quatuor illos Angelos
fuisse Dæmones . Catholica ergo Theologo-
rum & Patrum doctrina est , Deo permittente ,
Dæmonem posse efficere impressiones meteo-
rologicas , in perniciem hominum . Arguit

VVierus

VVierus in dicta Epist. cōtra hanc Catholicam veritatem. Impium est & idololatriæ conforme, tribuere creature, quod conuenit creatori. At Deo secundum sacras literas tribuitur, condere & efficere grandinem & pluuiam : Hierem. 9. Nunquid sunt in sculptilibus gentium, qui pluant? Exod. 9. Dominus dedit tonitrua & grandinem. Job. 38. Nunquid ingressus es thelauros niuis, aut thesauros grandinis aspexitis? Iosue 10. Agg. 2. his scripturis & similibus
VVierus ostendere studet, & Brentzius, moderatius tamen, Dæmonem non posse procurare ignem, pluuiam aut grandinem : & ita multo minus posse maleficos & magos. Sed ut robur huius argumenti clarè pateat rudibus, qui distinctionem rerum non cognoscunt, in simili ostendam solum habere apud indoctos apparentiam, & nihil roboris. Scriptura tribuit Deo, quod sit auctor mortis & vitæ, occidat & viuere faciat, percutiat & sanet. Ergo huiusmodi effectus tribuere hominibus impium est, & idololatriæ conforme. Ergo non est dicendum, quod homo occidat, percutiat, aut medicus vitam conseruet, aut sanet, aut homo sit auctor vitæ, siue parens, & sic de similibus. Antecedens probatur Deuteronomij 32. Vide te quod ego sum solus: ego occidam, & ego viuere faciam: percutiam, & ego sanabo, & non est, qui de manu mea possit eruere. I. Reg. 2. ca. Dominus mortificat & viuificit. Sap. 16. Tu es

Domine,

Domine, qui vitæ & mortis habes potestatem,
& deducis ad portas mortis & reducis: & To-
biæ 13. Magnus es Domine in æternum, & in
omnia secula regnum tuum: quoniam tu fla-
gellas, & saluas: deducis ad inferos, & reducis,
& non est qui effugiat manum tuam: similia
alibi in scriptura habentur. Nunc pro dislo-
catione huius nodi, notandum est, quod se-
cundum veram philosophiam, & etiam Theo-
logiam, Deus est prima principalis & inde-
pendens causa efficiens, sua propria virtute,
omnium rerum: sic tamen, ut res creatæ non
careant sua virtute agendi, quam Creator in
creatione indidit. Quare Deus est factor &
sator rerum omnium, & operatur omnia in
omnibus: ita tamen, ut creature in ordine
suo etiam operentur. Est Deus auctor vitæ &
mortis. Sol tamen & homo generant homi-
nem, ut rectè auctor Aristot. est; cum concur-
rant ad vitæ introductionem, & cooperentur.
Principalis ergo cauſsa est Deus, particulare
agens in ordine suo est cauſsa minùs principa-
lis. Iam ad argumentum respondetur: Deus
optimus Maximus est cauſsa principalis inde-
pendens, & primaria omnium impressionum
Meteorologicarum, qui cauſtas naturales ad
hoc ordinavit, ut hisce effectibus inseruant.
Qui etiam pro sua voluntate, cum non depen-
deat à cauſis naturalibus, sine his particulari-
bus potest producere propria virtute similes
effe-

effectus, quod nulli creaturæ competere potest, cùm de eius intrinseca & essentiali ratione sit, habere esse communicatum & participatum ab alio, scilicet creatore. Quantum autem ad inditam naturam spiritualium substantiarum, tanta eis data est in creatione naturalis operandi potestas, quæ per peccatum non est diminuta, secundum communem Theologorum doctrinam, vt nulla ei super terram valeat comparari: sicq; ex naturali etiam rerum ordine, cum substantia corporalis, utpote imperfector, infra spiritualem sit quantum ad motum localem: Elementa subsunt operationi Angelorum tam bonorum, quam malorum, vt S. August. in d. Psal. 77. & in 3. de Trinit. cap. 8. & S. Thom. I. part. q. 110. art. 3. & in c. I. Job. & alijs Theologi in 2. d. 7. ac alibi docent. Dæmones autem, in productione talium effectuum Meteorologicorum, nihil aliud faciunt, nisi Deo permittente coniungunt aut continuant, naturali sibi virtute communicata, caussas à Deo ordinatas per motum localem, quod fieri posse constat ex nunc dictis, de potestate Dæmonis, & ex alijs suprà in 2. præmisso, de generatione Meteorologicorum. Utuntur ergo Dæmones caussis naturalibus ad pluendum, & generandum grandinem, pruinam, fulgura, aut ventum à DEO ordinatis aliquando quasi extraordinariè & artificialiter ad pluuiam, ventum & similia producendum.

His præ-

His præmissis nunc quæstioni satisfaciendum.

Conclusio responsua. Certissimum
 & nullatenus dubitandum est, maleficas &
 sagas, cooperante Dæmonie, posse mouere
 tempestates, intempestiuis imbribus, &
 grandinis lapidatione nocere hominibus, ut
 Christianissimus Imperator in L. hac
 indicat.

PROBATVR Conclusio. I. Elementa sub-
 iacent operationi Dæmonum, ex com-
 muni Theologorum doctrina, quantum ad
 motum localem, vnde ea possunt conturba-
 re. 26. q. 5. can. Nec mirum. Magi sunt, qui
 vulgo malefici, ob facinorum magnitudinem
 nuncupantur: hi sunt, qui permissu Dei e-
 lementa concutiunt: quæ verba Ilidor. lib.
 8. Ethymolog. cap. 9. ponit, & infra in L.
 Multi: verbo, Elementa turbare. Ad huius
 Constantini L. mentem accedit Innocentius
 Octauus, in Bulla præmissa Malleo Malefi-
 carum, quam infra post finem libri, cum a-
 lijs hanc materiam concernentibus subijcier-
 mus. In hac Bulla multi tribuuntur effectus
 maleficis. Sancè nuper ad nostrum non sine
 ingenti molestia peruenit auditum, quod in
 nonnullis partibus Alemaniæ superioris, nec
 non in Moguntinen. Colonien. Treuiren.
 Saltz-

Saltzburg. & Bremen. prouincijs, ciuitatibus, terris, locis & Dicecesibus, complures vtriusque sexus personæ, propriæ salutis immemores, & à fide Catholica deuiantes, cum Dæmonibus incubis & succubis abuti, ac suis incantationibus, carminibus, & coniurationibus, alijsq; nefandis superstitionibus, & fortilegijs, excessibus, criminibus, & delictis, mulierum partus, animalium foetus, terræ fruges, vinearum vuas, & arborum fructus, nec non homines, mulieres, pecora, pecudes, & alia diuersorum generum animalia, vineas quoque, pomaria, prata, pascua, blada, frumenta, & alia terræ legumina perire, suffocari, & extingui facere & procurare, ipsosq; homines, mulieres, iumenta, pecora, pecudes, & animalia diris tam intrinsecis, quam extrinsecis doloribus, & tormentis, afficere, & excruciare, ac eosdem homines ne gignere, & mulieres ne concipere, virosq; ne vxoribus, & mulieres ne viris actus coniugales reddere valeant, impedire: Fidem præterea ipsam, quam in sacri susceptione Baptismi suscepserunt, ore sacrilego abnegare: Aliaq; quam plurima nefanda, excessus & crimina, instigâte humani generis inimico, committere & perpetrare non verentur, in animalium suarum periculum, diuinæ Maiestatis offendam, ac perniciosum exemplum ac scandalum plurimorum. Sequuntur Theologi. S. Augustin. lib. 8. de Ciuit. Dei. cap. 19. Isidorus

loco

loco cit. S. Thom. in 2. d. 7. & 8. Doctores mal-
lei maleficarum 2. part. q. cap. 15. Syluest. in
summa. verb. Maleficium. Ioannes Nider in
fornicario. Alphonsus Castrensis lib. 2. de iusta
hæret. punitione c. 15. Nicolaus Iaquerius in fla-
gello hæretorum, & alij alibi. Consentiunt
Iurisperiti Bartol. Angel. Azo. Salyc. Godefrid.
in d. L. Eorum. Bonifacius de Vitalinis in tract.
de maleficijs, in cap. de Sortileg. & mathem. Io-
an. ab Anania. in cap. 1. de Sortileg. Paulus Gril-
land. lib. 2. q. 6. & alibi. Ioan Bodin. lib. 2. de ma-
gorum Dæmonomania cap. 8. & in confu-
tatione Ioannis VVieri. Petrus Gregorius
Tholosanus in Syntagm. iuris vniuersi, cap. II,
num. 12. & c. 13. li. 34. part. 3. Ulricus Molitor
Constantiensis, in Dialogo ad Sigismundum
Archiducem Austriæ, cap. 1. & alij alibi. His ac-
cedit sententia etiam Ethnicorum, qui firmi-
ter crediderunt incantationibus documenta
frugibus & satis inferri. Vnde illa lex 12. tabu-
larum L. 53. extat. Qui fruges excantasset, po-
nas dato: ne ñe alienam segetem pelleteris ex-
cantando ne incantanto, ne agrum defragan-
to, VVierus in lib. de Lamijs cap. 12. ad hanc
L. sic respondet. Hic & explodenda venit, illa
duodecim tabularum lex: Qui fruges excan-
tasset, &c. Nullo siquidem modo incanta-
tionum verbis & imprecationibus fruges la-
di queunt: sed ne à Dæmone quidem Deo
concedente, aut beneficijs, multo minus ex-
traduci

traduci alio possunt. At huius persuasionis colostrum ex Poëtarum vberibus suxerunt veteres, ad nos quoq; deriuatum. Hæc VVier-
rus. Godelmanus loco cit. num. 17. respondet:
Si legislatores 12. tabularum cognitionem re-
ligionis Christianæ habuissent, hanc certè le-
gem non tulissent, quā ex libris veterum Poë-
tarum conscripserunt. Hæc ille. Sed hanc legē
12. tabularum approbant alij magni nominis
viri, tam Christiani quam Ethnici. S. August.
lib. 8. de Ciuit. cap. 19. Lodouic. Viues in com-
ment. eiusdem cap. Francisc. Balduinus Iuris-
consult. & alij in d. L. 12. tabularum. Iacob. Me-
noch. de arbitrarijs Iudicum quæstionib. lib.
2. casu 388. Ioan. Bodin. loc. cit. Petrus Gregor.
Tholosanus in d. c. II. Petrus Matth. in 7. de-
cretal. in tit. de malef. & incantator. cap. vlt. in
notabili. Lambert. Danæus in Dialogo de Sor-
tiarijs cap. 3. & alij alibi. Accedunt prædictis,
ex Ethnicis, in confirmationem d. legis. Cice-
ro in lib. de Republ. quem ad hunc effectum
cit August. Flinius lib. 28. naturalis historiæ
cap. 2. & lib. 30. cap. 1. Eiusdem sententiæ est
Vergilius Egloga 8.

Arg, satas alio vidi traducere messes.

Et Ouid. lib. 3. de amore.

Carmine lasa Ceres sterilem vanescit in herbam,

Deficiunt lasi carmine fontis aquæ.

Nicibus glandes, canjataq; vitibus tua

Decidit, & nullo pomamouente flunt.

Nn

Neq;

Neq; enim quia Poëtæ veritatem dicunt, deò veritas rei cienda est, nam multa ad hominum utilitatem cecinerunt. Quare non raro Sancti Patres eorum auctoritate etiam videntur, ut est videre apud Augustin. in lib. de Ciuit. qui illud Vergilij possum loc. cit. adducit. Et apud Euseb. de præparat. Euang. Hieron. in diuersis locis, &c. alios.

Confirmo legem d. 12. tabularum latius. Sacrae literæ, & Sancti canones prohibent incantationem, & ei aliquam vim tribuunt; ergo aliquam vim habet incantatio: aliás si titulus sit sine re, frustrè S. literæ & canones sub pena prohibent. Antecedens confirmatur. Deuter. 18. Nec inueniatur in te maleficus, &c. Aut incantator. Psalm. 57. Benefici incantantis sapienter. Ecclesiast. 12. Quis miserebitur incantatori? Et in can. 26. q. 5. can. Si quis, & can. Nec mirum: & ibidem q. vlt. can. Admoneant. Ex sancti Patres August. lib. 2. de doctrina Christiana ca. 20. Chrysost. serm. 7. de fato. S. Thomas 2. 2. q. 96. artic. 2. S. Antoniñ. 2. part. tit. II. cap. I. §. 12. Summis tæ in verb. Incantatio. Si ergo incantatio aliquam habet virtutem, vt nemo sapiens negare potest, aut illam exercet in hominem, aut in alia creata ad cōseruationem hominis: Si solum in hominē: maior erit prouidentia Dei in media ad finem, scilicet creaturas irrationalib[us], quām erga hominem, ratione cuius creatæ sunt reliquæ creaturæ. Si autem

tem in hominem & creaturas: habetur intentum LL. prædictarum, quod malefici & magi, cooperante Dæmonie, possint incantare fruges & sata. Amplius confirmo exemplis veterum Plin. lib. 28. cap. 3. prope finem, postquam multis incantamentorum & carminum vim confirmasset, attestatur. Pagana lege in plerisq; Italæ prædijs cautum est, ne mulieres per itinera ambulantes neant siue fusos torqueant: aut omnino detectos ferant: quoniam aduersatur id omnium spei præcipue frugum. Sic statim subiungit. **Carmina quædam extant contra grandines, contraque morborum genera, contra arbusta.** Quædam etiam in partus. Gellius lib. 9. cap. 4. narrat in Africa familias esse hominum, voce atque lingua fascinantum, qui si impensis forte laudaerint pulchras arbores, segetes latiores, infantes ainceniores, egregios equos, pecudes pastu atq; cultu opimas, moriuntur hæc omnia repente, nulli alteri caussæ obnoxia. Petrus Gregorius vbi suprà cap. 13. refert ex Dione Cassio lib. 56. historiæ, quod eo tempore, quo Cn. Sidius Geta contra Salabum ducem expeditionem faciebat, neque aqua esset ad extinguendam sitim, quendam indigenarum confederatorum incantationibus plurimam a quam cœlo elicuisse. Olaus Magnus lib. 3. historiæ de gentiū Septentrionalium varijs conditionibus, cap. 28. refert de Oddone quodam

Nn 2 Dani-

Danico, pirata maximo, qui magicæ artis ita peritus extitit, ut absq; carina altum mare pererrans, hostilia sæpè nauigia concitatis carmine procellis euerteret. Itaq; nec cum piratis in maritimorum virium certamen descenderet, exasperatos maleficio fluctus & vētos ad naufragia eisdem infligenda perducere solebat. Quia tādem dignam suis sceleribus recepit pœnam, à peritiore hoste circumuentus, gurgite submersus est, qui marinos vortices præstigios carminibus olim calcare consueuit. Imōdem auctor ibidem cap. 16. mentionem facit magorum & maleficorum Finnorum, quin negotiatoribus in eorum littoribus contraria ventorum tempestate impeditis, ventum venalem exhibere, mercede q; oblata tres nodos magicos, non cassioticos, loro constrictos reddere solebant, eo seruato moderamine, ut vbi primum dissoluissent, ventos haberent placidos: vbi alterum, vehementiores: At vbi tertiu laxauissent, ita sœuas tempestates se passuros, ut nec oculo extra proram in euītandis scopolis, nec pede in naui ad vela deprimenda, aut in puppi pro clauo dirigendo, integris viribus potirentur. Hiq; infelicius rem experti sunt, qui vim eiusmodi nodis per contumum inesse negarunt. De ventorum venditione, eodem Olao referente, testatur etiam Herodotus lib. 7. de præfectis Xerxis, quod iij tri-duana tempestate 400. naues amilere, donec

quarto

æ artis ita
mare per-
tis carmi-
piratis in
cenderet,
s ad nau-
solebat,
cepit pœ-
s, gurgite
prestigio-
t. Imò i-
hem facit
n, qui ne-
ontraria
tum ve-
es nodos
tos red-
e, vt vbi
nt placi-
bit tertiu
assuros,
dis sco-
menda,
gris vi-
experti
ntemp-
nditio.
m He-
dij tri-
donec
quarto

quarto die magi incisiones faciendo, & venefi-
cijs incantando, yentum Theti & Nereïdibus
sacrificando, tempestatem compescuerunt, si-
ue eadem tempestas aliter cessauit. Ex dictis
constat, legem prædictam nihil à ratione &
Theologorum doctrina alienum includere.

QV AESTIO V.

*An licitum sit uti maleficijs ad finem
boni: ut, ad curandum infirmitatem, aut ad
arcendum pluuiam, & tempestates?*

PRO parte affirmante facit textus in hac L.
Vnde eruitur, quod incantationes ad finem
boni liceant, & non puniantur, vt communi-
ter Iurisperiti in hac L sentiunt. Bartolus, Sa-
lycerus, Godefridus, Azo, & alij alibi. Angel.
tamen in hac L sentit incantationes etiam ad
finem boni illicitas, nisi fiant virtute diuina.
Apostilla ad Salycetum in d. L. notat, etiam de
iure ciuili prohibitas incantationes ad finem
boni: vt pro inueniendo thesauro L. vnica, de
Thesaur. C. lib. 10. Petrus Gregor. Tholosan,
lib. 34. c. 18. in fine Syntagm. iuris vniuersi di-
cit, iure ciuili hanc magiam, quæ fit ad finem
boni, etiam improbatam à Leone Cæsare, qui
hac de re edidit Constitutionem 65.

Nn 3

Pri-

Prima Conclusio. In dicta L. Eorum tolerantur, & non puniuntur incantationes, quādo sunt ad bonum finem: ut, ad sanandum infirmum, aut ad repellendum tempestates.

HAEC est communissima Iurisperitorum sententia. Bartolus, Salycet. Godefri-
dus Azo in d. L. Grilland. lib. 2. de Sorti-
leg. quæst. 6. num. 20. Hostiens. in summa de
magistris. §. Quam scientiam. Troilus Malue-
tius in Tract. de sortibus, à num. 13. & alij alibi.
Nec mirum. Cūm enim L. ciuilis pacem & bo-
num tantum externum quærat, non ita atten-
dit ad ea, quæ conscientiam concernunt: quia
tamen tolerat, & non punit, non ideo appro-
bat, tanquam recte facta: exempla in alijs ha-
bemus: de lege ciuili licitum est marito uxo-
rem in adulterio depræhensam occidere, nec
punitur. L. Gracchus. C. ad Legem Iuliam de
adult. & L. Marito. ff. eod. tit. Sic etiam iure ci-
uili non punitur in emptione & venditione
infra medietatem iusti pretij decipiens. L. 2. C.
de rescind. vendit.

Secunda Conclusio. Non est licitum in
foro conscientiae, secundum legem diuinam
& canonicam, uti magicis artibus & in-
cantationibus, etiam ad finem bonum.

IN

IN hac Conclusione Theologi, Canonistæ & Iurisperiti consentiunt. Probatur Conclusio, Leuit. 19. Non declinetis ad magos, nec ab Ariolis aliquid sciscitemini. Et cap. 20. Anima quæ declinauerit ad magos & Ariolos, & fornicata fuerit cum eis, ponam faciem meam contra eam, & interficiam eam de medio populi, &c. & in iure canonico, 26. q. 5. can. Nec mirum. Vbi post multas enumeratas superstitiones, sic dicitur: Ad hæc omnia supradicta pertinet ligaturæ execrabilium remediorum, quæ ars non commendat medicorum, seu in præsentationibus, seu in characteribus suspēdendis, atq; ligandis, in quibus ars Dæmonum ex quadam pestifera societate hominum & malorum Angelorum exorta. Vnde hæc cuncta vitanda sunt Christiano, & omni penitus execratione repudianda atq; damnanda. Et in cap. Admoneant, eadem caussa q. 2. in cap. Ex tuarum, de Sortileg. Et ratio satis clara etiam est. Vt enim magica arte aut maleficorum opera, est res per se mala: cùm inuoluat paucum inuocationem quæ Dæmonum, qui sunt inimici Dei & humani generis: ergo nullo quo-cunque fine, etiam optimo, huiusmodi fatum potest cohonestari. Quia finis non necessariò attrahit ad naturam sui ordinata in finem, vt rectè etiam annotarunt Anthonius à Butrio, & Ioannes de Anania in d. cap. Ex tuarum. Expressa enim est Apostoli Pauli Roma.

Nn 4 sens-

sententia, non sunt facienda mala, ut eueniant bona. Expedit ergo magis pati in corpore & temporalibus bonis, quam in anima: Quia minor est corporis & temporalium rerum iactura, quam animae, ex d.c. Admoneant. Praestat igitur, ut bene ait Grilland. mille pati mortes, quam opera diaboli liberari ab infirmitate. Hanc doctrinam facultas Theologica Parisiensis, in articulis de superstitutionibus definit, in artic. 5. Quod licitum est uti magicis artibus, vel alijs quibuscumque superstitutionibus, a Deo & Ecclesia prohibitis, pro quounque bono fine: error. Quia secundum Apostolum, non sunt facienda mala, ut bona eueniant. Et in art. 6. Quod licitum sit, aut etiam permittendum, maleficia maleficijs repellere: error. Et art. 7. Quod aliquis cum aliquo possit dispensare in quounque casu, ut talibus licite vataetur: error. Hinc patet quam impium si illud dogma Paracelsi, in lib. de morbo caduco: Nihil referre, an Deus, vel Diabolus, Angeli vel immundi spiritus aegro opem ferant, modò morbus curetur. Sanè dolendum est apud multos Christianos hanc etiam sententiam inuulneris: quod si aliqua calamitate premantur, modò liberentur, non curant, an medijs licitis vel illicitis. Quare non est admirandum, apud nostrates tam magnam portam Dæmonibus apertam esse, ut penè Gentiles superstitutionibus superent.

Tertia

Tertia Conclusio. *Etiam si maleficus paratus sit semper maleficia exercere, non licet tamen eius uti opera ad tollendum maleficium, si probabiliter cognoscatur & presumatur, quod alio maleficio utetur ad soluendum adhibitum.*

HAEC est communis Theologorum sententia, contra Angelum in verb. Superstitione. §. 13. allegantem Aureolum in 4. d. 34. q. 2. pro sua parte. Constat Conclusio. Maleficus grauiter peccat, quando arte magica, & diabolica maleficium à se, vel alio illatum tollit, ut ex dictis in secunda Conclusione patet. Ergo non licet eum inducere, etiam si paratus sit, ut id faciat, quod sine peccato exequi non potest. Quia sic inducens consentit in peccatum alterius, quod sine scelere fieri non potest, iuxta Pauli sententiam: *Digni sunt morte non solùm qui ea faciunt, sed etiam qui consentiunt facientibus, & sic in casu, petens est caussa proxima & efficax peccati.* Licet enim talis paratus esset, non tamen fecisset illud particulare maleficium, ad finem petitionis directum, nisi petens induxisset. Pro dictæ sententiæ persuasione facit: *licitum est vnicuique uti malo alte-* I. ep. 154. *rius ad suum commodum.* Sic secundum S. ad Publica-
lam, & ha-
beatur 22.^a August. *licitum est mihi uti, ad commodum meum, iuramento hominis infidelis, quamvis sciam illum iuraturum per Deos falsos, quos* q. 1. can.
Mouet te, *colit.*

colit. Ad idem pertinet, quod communis Doctorum consensu potest quis mutuum petere ab eo, quem scit non nisi ad usuram daturum. Respondetur, quod non est similitudo in exemplis. Quia in his casibus qui petit, cupidus, quod sine peccato fieri potest, etiam cum merito. Malitia enim in duabus exemplis positis non sequitur ex natura rei, sed ex ipsius operantis mala voluntate, quae est extrinseca opere. Qui enim petit iuramentum ab infideli, non cupit ut per falsos Deos iuret, (alioquin sic petens peccaret, quia peteret id, quod est aperie peccatum) sed solum petit, ut iuret: Etsi esset optio in offerente iuramentum, mallet eum per verum Deum iurare. Eadem ratione, qui cupit mutuum ab usurario, non petit ad usuram pecuniam, quia sic peccaret: cum id sine peccato fieri nequeat: sed petit sibi dari mutuum, quod laudabile & meritorium est. Ad maiorem & clariorem harum obiectionum lucem vide S. Thom. 2.2. q.78. art.4. Ioannem à Turrecremata in d. cap. Mouette: & Dominicum à Soto lib. 6 de iustit. & iure q. 1. artic. 5. & Alphonsum Castreri. lib. 2. cap. 15. de iusta haeret. purificione. Altera autem ratio est in casu propositae Conclusionis: quia qui petit a malefico, uante magica maleficium soluat, pro tuo commodo & utilitate, is petit quod ex rei natura sine peccato nequit fieri. Quare optimè declarauit facultas Parisiens. in d. artic. 7.

quod

quod sit error dicere: quod possit dispensari,
ut quis licet talibus posset uti. Quia commu-
nis & verissima Theologorum sententia est,
quod dispensatio non cadat in ea, quæ ex na-
tura sua sunt mala.

Quarta Conclusio. *Si maleficium ad-
hibitum eius esset generis, quod naturali
aliqua virtute, aut actione, sine ulla Dæ-
monis inuocatione & auxilio posset dissolui,
non esset illicitum petere dissolutionem à
malefico aut incantatore.*

VT, exempli gratia, si malefica posuisset
sub limine alicuius ianuæ aliquod male-
ficium, quo remanente vaccæ morerentur, aut
lac eis subtraheretur: non esset peccatum re-
mouere tale signum, aut maleficium. Haud
dissimile est, quod refert Gregorius Turonen-
sis lib. 8. Historiæ Francor. cap. 33. Aiebat, in-
quit, Parisianam urbem quasi consecratam
fuisse antiquitus, ut non ibi incendium præ-
ualeret, non serpens, non glis appareret: nuper
autem cùm cruciculi pontis emundarentur, vt
cœnum, quo repulsus fuerat, auferretur, ser-
pentem gliremque ærum repererunt, quibus
ablatis, & glires extra numerum ibidem, & ser-
pentes apparuerunt. Dictam Conclusionem
tenent. Scotus in 4. d. 34. quæst. vnica. Gabriel
in 2. d. 8. q. 2. art. 4. dub. 2. Syluester in summa,

verb.

verb. maleficium. Aurea Armilla. & Caietan.
 ibidem. Alphons. Castrensi. loc. cit. & alij alibi.
 Ratio est, quia in tali casu nihil commercij aut
 fœderis habetur cum Dæmone, sed tantum
 fit, quod homo naturaliter facere potest, dum
 signum, aut instrumentum, quo maleficium
 destruendum est, remouetur & destruitur.
 Tum enim Dæmon, respectu talis maleficij,
 amplius non molestat: Quia ex pacto cum ma-
 lefico contracto, tam diu assistit & coopera-
 tur, quam diu signum positum remanet: &
 sicut cessante causa, cessat effectus: sic etiam ea
 durante durat effectus.

*Quinta Conclusio. Quando maleficia
 illata sunt alicui, homo debet ad Deum re-
 currere corde contrito, peccatorum confes-
 sione, profusis lachrymis, largioribus ele-
 mosynis, ieunijs & orationibus, ac exorcis-
 mos aliaq. Ecclesiastica remedia adhibere,*

CAN. Si per Sortiarias 33. q. i. & cap. fin. de
 frigid. & malef.

QVAESTIO. VI.

*An malefici, incantatores & magi sem-
 per valeant curare maleficia, à se, vel alijs
 illata?*

NOTAN-

NO T A N D V M, quod morbi, aut infirmitates dupliciter inferuntur à maleficiis. Aut aliquando ipsi malefici per se rebus naturalibus & venenosis morbum inferunt. Aut ipsi solùm adhibent signa rebus, aut verbis, quæ nullam habent efficaciam naturalem ad effectum, sed tantum adhibito signo Dæmon operatur inuisibiliter, circa corpus hominis, aut bestiæ, cuius nocumentum maleficus intendit, applicando actiua passiuis.

Deinde aduentum, ex malleo maleficarum, Syluestro, Grillando & alijs, quod quædam maleficæ nocet, sed non curant: quædam verò è conuerso curant, sed non nocent: quædam verò vtrumq; præstant.

PRIMA CONCLUSIO. *Maleficiatum hominem quandoq; nemo curare potest, nisi eiusdem artis sit peritus.*

PROBATOR. Malefici frequenter in inferidis morbis & calamitatibus vtuntur Dæmonis ministerio, qui cùm sit callidissimus & perspicacissimus physicus, nouit talia adhibere, quæ ars medicorum ignorat. Quare in cap. Nec mirum. 26. q. 5. etiam reprobantur remedia & medelæ, quas ars medicorum non commendat. Necesse ergo est, vt eadem arte malhuiusmodi tollantur, qua illata sunt. Quia nihil est tam naturale, quam eodem genere vnuquod-

§74 COMMENT. IN TIT. C.

quodq; dissolui, quo colligatum esse reperi-
tur. ff. deregul. Iuris. L. Nihil tam naturale. &
eiusdem est soluere, cuius ligare.

Secunda Conclusio. *Quando ægritu-
dines aut infirmitates introducuntur à
maleficiis, caussis merè naturalibus, veneno,
aut venenosis potionibus, ut plurimum pos-
sunt curari remedij naturalibus, & medi-
corum arte.*

QVIA quæ mediantibus caussis naturali-
bus prouenient, mediantibus contrarijs
eiudem ordinis tolli possunt. Dixi, vt pluri-
num: quum ex accidenti & circumstantijs ad-
iunctis contingere possit, quod ars medicorum
non sufficiat, vt pote si venenum fuerit
fortissimum, ita vt statim totius corporis dis-
positionem inuaserit: aut si nimis diu expecta-
tum sit, ante quam medicorum cura adhibita:
aut si subiectum beneficijs infectum, ita sit de-
bilis complexionis, quod medicinas vsq; ad
debitam operationem retinere nequeat. Quia
vt Poëta cecinit.

*Non est in medico semper, releuetur vt ager:
interdum docta plus valet arte malum.*

Atq; hoc etiam perpendendum, quod no-
stri malefici & sagæ frequentissimè vtuntur
venenis mirificè à Dæmone præparatis & por-
rectis, quæ sine dubio efficacioris sunt opera-
tio-

tionis, quam ea, quæ preparantur arte & indu-
stria humana, & huiusmodi solet non raro in
congregatione finita chorea distribuere, ut
multorum confessione didicimus.

Tertia Conclusio. *Quandoq; malefici-
us non potest dissoluere maleficium ab alio
malefico inductum,*

RATIO: quia maleficus in dissolutione
vtitur auxilio Dæmonis, si ergo Dæ-
mon, qui cooperatur in dissolutione, sit
inferioris ordinis, & is, cuius artificio ma-
lum infectum, potentioris virtutis, non po-
terit inferior dissoluere, nisi potentior ali-
quo respectu in maiorem hominum perni-
ciem suo iuri cedat. Atque sic regulariter
non potest inferior maleficus remedium ad-
ferre calamitatibus à superiori immisis. Cui
rei breui, in quodam loco vicino, vtà viro
fide digno accepi, quædam malefica testimoni-
um perhibuit. Cùm enim interrogata fu-
isset, num illi, quem maleficio infecerat, re-
medium adferre potuisset: Respondit: Ah
ego & mei similes hoc non possumus, licet
inferamus: fuerat autem talis mulier mise-
ra, ex communi consortio, & non honora-
tiore loco. Idem patet experientia in rebus
humanis. Quidam medici sunt præstantiores
in scientia & praxi, qui optimè & facili nego-
tio

tio curare possunt, quæ indocti Medicine quidem cognoscere valent.

Quarta Conclusio. *Regulariter, quæ inferior maleficus intulit maleficia, superior potest curare.*

PROB A T V R. Superior maleficus operatur virtute superioris Dæmonis, qui inferiorem potest cogere, ut ipse met dissoluat, vel superior valet dissoluere, cum in sua potestate sit. Rex enim in suo regno omnia, quæ excellentiæ & potestatis sunt, potest quæ Prætor, vel officiatus sibi subditus. Intelligo autem hic superiorem maleficum eum, qui pactum, habet cum Dæmone superioris ordinis.

Quinta Conclusio. *Quandoq; infirmitates & calamitates illatæ tales sunt, ut amplius nullo etiam maleficio dissolui queant.*

PROB A T V R. Sicut mala aliquando ita periculosa & inueterata sunt, ut nulla arte medicorum curari queant: Ita etiam ob diuturnitatem maleficia hominis naturam destruere possunt, ut impossibile sit curare. Quia cum maleficus curet cooperante Dæmone, qui impedita sanitatis remouere debet naturalibus: si ob diuturnitatem omnino natura destruta

structa sit, non poterit remedium adferre. Ex quo fundamento in prima parte superioris tractatus intulimus, non posse diabolum omnem morbum, maximè senectutis, curare. Hinc sèpissimè audimus, quando incantatores & malefici interrogantur & consuluntur de morbis illatis (quod nullo modo fieri debet) eis quandoq; respondetur, quod nimis tardè veniant.

Sexta Conclusio. *Maleficus aliquando curare potest morbos, quos ars medicorum aut ignorat, aut curare non valet.*

QVIA Dæmon, qui ex pacto cum malefico concurrit, maioris est scientiæ & potentia naturalis, quam præstantissimus & expertissimus quicunq; Medicus.

Septima Conclusio. *Quando quis in morbis & infirmitatibus curandis utitur modis & medicamentis, quæ medicorum ars ignorat: aut rebus, que secundum physicam, & naturalem philosophiam nullum habent naturalem ordinem ad effectum producendum, ratio curationis est suspecta, & sapit superstitionem & maleficium.*

QVIA naturali causæ sine esse debet aliqua vis insita naturalis, in ordine ad productio-

Oo ductio.

ductionem effectus: & si hæc in curationibus non inueniatur, necesse est effectus expectetur à Dæmone ex pacto. Hinc infero, ut plurimum remedia veterarum aut virorum, aut (quod magis detestandum) quandoq; sacerdotum, esse valde suspecta. Cum enim sancti in docti in medicina, & res naturales ignorant, contendunt non raro sanare morbos grauissimos & inueteratos, de quibus medici, qui suam etatem in studijs consumperunt, desperant, & non raro media adhibent huiusmodi homines superstitionis, in quibus nulla est similitudo causæ & effectus.

QV AESTIO VII.

Quomodo clavi, scopuli, panni, sete, ferramenta & similia dura quandoque in corporibus hominum inueniantur, & ratione ingerantur aut ejciantur: An huiusmodi tribuenda maleficis, & diabolice arti?

CIRCA hanc questionem difficilem diversi diuersa sentiunt. Paulus Grillanus lib. 2. de Sortilegijs q. 3. numero 27. duas refert opiniones. Alias vidi, dicit, saepenumero, quod maleficio infecti, ubi liberationis remedium usurparunt, frequenter ex ore euemerent, vel per secessum exonerarent acus, capil-

capillos, ferramenta, clavos, plumas, sulphur,
lapides, & res demum tales, quas maleficio læ-
sum vorare potuisse, erat impossibile: non
solum integras, sed nec fractas, nec minutæ in
frustra concisas. Vnde quid mirandū videtur?
Sed dic, ut quidem censuerunt, Sathanam ad
maiorem hominum deceptionem facere dictas
apparere species extraneas in resolutione fa-
cturæ, ut res miranda magis videatur. Quan-
doquidē inspiciuntur & cōsiderantur ea esse
talis naturæ, formæ & qualitatis, ut impossi-
ble fuerit talia potuisse ingredi in corpus ma-
leficio læsi, per aliquam partem naturaliter;
sed in rei veritate non sunt species naturales.
Et quod hoc verum sit, hinc apparet: quia il-
la eijsciuntur per vomitum, vel secessum, atq;
ita inter materias illas liquidas apparent à
principio, cum primum è corpore emittun-
tur: At si seruaueris illas materias biduum aut
triduum, aut dies quinq; quemadmodum ego
alias studiosè seruari feci, videbis omnia ea li-
quefacta penitus, & ipsarum formas periisse to-
tas. Quod si naturalia essent, protectò in sua
priori forma remanerent, nec corruperentur,
maximè ferrum & lapides, propter eorū natura-
lem duritiem, vt manefestū est omnibus. Qui-
dam alij dixerunt, dæmones, vt res miranda vi-
deatur, tunc temporis, quando maleficio affe-
ctus irritatur ad vomitū, vel ventris opus, ve-
locissimè & inuissibiliter afferre ibi species

Oo 2 illas,

illas, siue materias veras & naturales aliunde acceptas, & ostendere quasi in hominis corpore fuerint. Sed nota, licet Dæmon potentia sua naturali hoc quidem posset, & tam dextro modo illas inferere in vomitu & stercore maleficio agitati, ut nullus hominum aduertetur: Prior tamen opinio magis placet, apparentes tantum species, & non naturales esse: eò quod non diu durent, sed resoluantur breui tempore in liquores. Multa pertinentia ad hanc materiam adserit Ioannes VVierus lib.
4. de præstigijs Dæmonum, à cap. 2. per aliqua capita. Libelli Germanici auctor, qui ascribitur Domino Iacobo Baroni in Lichtenbergh, de præcipuis articulis maleficij, hanc rationem ingerendi huiusmodi materias ponit. Corporis pori Diaboli artificio extenduntur, & per eos inferuntur stramina, setæ, corium & acutæ similesque materiae: deinde pori iterum occluduntur, & remanent materiae in corpore occlusæ. Ostendit similitudine: Quemadmodum si quis manu in profundo aquæ lapidem ponat, lapide relicto manum attrahit, quomodo deuenerit lapis nescitur. Eadem ratione naturali fulminis radius poros vaginæ transit, ferrumq; liquefacit, relicta integra vagina. Simili modo contingit in hac illusione, quæ magis noxia stigmata & vulnera infert. Huius opinionis primus iuuentor videtur fuisse Paracelsus in lib.

lib. de occulta philosophia, qui vult veneficas
& sagas alicui per poros cutis cineres, pilos, plu-
mas, piscium spinas & similes res noxias, sine
cutis apertione, in corpus inferre, per easque
continuos cruciatus concitari, nec posse eximi
huiusmodi materias maleficas per vulnus, aut
incisionem. Hic auctor de curatione talium
ridicula & plena superstitione docet, quare
omittenda sunt. Quidam, alij medici iudicant
in rei veritate nihil esse huiusmodi effectus, sed
tantum præstigias & technas Dæmonis. Cos-
mas Philiarchus Pistoriensis Canonicus, &
Theologus Florentinus, in lib. de officio Sacer-
dotis in 2. part. lib. 3. cap. 8. in primo præcepto
Decalogi, putat aliquando huiusmodi res esse
tantum illusiones, ut videantur, quæ verè non
sunt, vel quod Dæmon aëris condensatione
& coloratione faciat apparere illa, aliquando
verò esse realia. Nam diabolus inuisibiliter illa
stomacho infert, & inde visibiliter educit, non
obstante quod sint ita magna: quia potest ad
libitum ea diuidere, & reunire, & ubi opus
fuerit, actionia naturalia ad id applicare, & hoc
tanta celeritate, ut oculus divisionem & com-
positionem discernere non possit, sed iudicet
ita magna emitti, & quod oculus decipiatur,
& non possit ratione velocitatis motus percipi-
per rem, ut est. Adducit ad hanc materiam
dictus Doctor exemplum apud Surium to-
mo 3. ex vita S. Petri, Archiepiscopi Tarani-

O O 3 tafj.

tasij. In castro S. Symphoriani Lugdunensis Ecclesiæ, erat vir fidelis, & religiosorum officiosus, sedulusq; susceptor, & ad suum hospitium vim faciendo, pertraxit Abbatē magnæ conuersationis, & opinionis. Illi erat filia, quæ opera mulieris maleficæ, per nequitiam inuidæ socrus, languore tabescet desperato, nec viri sui præsentiam, nec aspectus vllatenus tollerabat: mater, ut Sathanas Sathanam ejiceret famosum quendam maleficū accersiuit, qui arborum cortices contriuit, & pocula verbis & herbis confecta dedit, & proprijs dentibus illius brachium momordit, quæ ab illo languore conualuit, sed interdū velut ex corde procedere acus sentiens, cruciabatur atrociter, donec per morsurā brachij, quā nulla cicatrix obducerat, acus educeret vis occulta, plures in hunc modū, quam triginta, per tempōrū interualla prodierant: Pater lachrymis filiæ infirmitatem Abbati exposuit, & ab eo auxiliū petiit. Ducta ad præsentia Abbatis, eadē hora sentiens acum, mulier gemebunda deplorat. Iam peruererat ad foramen: solitus iam præcesserat crux, iam cæperat apparere, & accedens unus ex fratribus laicis eidem Abbati deseruiens cruentam extraxit. Orat Abbas, & locum vulneris tangens, in virtute fidei pollicetur, nec ferrum ultra, nec chalybem exinde processurum: Factum est, sed mutata materia est, malitia nec dum prorsus extincta: cæperunt lignei fudes paruuli pro ferreis

ferreis acubus egredi, & non omnes eiusdem magnitudinis, & crassitudinis, sexdecim intra annum, & paucos menses, ex mulieris lingua prodierunt. Adfuit demum S. Petrus Archiepil. Tarantaisij, cui diuinitus seruabatur tanti miraculi plenitudo. Offertur mulier missarum solemnia celebranti, sicut præceperat vespera præcedenti: Eadem hora septimum decimum lignum ex muliebri carne egreditur, quod sub oculis omnium sacrista extraxit: consentem mulierem absoluit, sacram ei dedit Eucharistiam, & ab omni deinceps cuiuscunq; materiei progresu iubet esse securam: Hæc ibi. Materia huius puncti semper mihi visa est difficilis: tum quia multi dicunt constanti testimonio se huiusmodi educata saepius vidisse, per incisionem, aut etiam aliam educationem: communis autem sensum experientia non semper falsa est, tum quia via ingerendi huiusmodi in corpore sine dolore, & tactu, & signo res mirabilis quedam apparet, & cognitum nobis naturæ cursum effugere. Quid tamen mihi sentienda videatur paucis resoluam.

Præmitto in primis ex Theologia & philosophia, naturaliter non esse possibile corporū penetrationem. Quare miraculū maximū fuit, quod Christus clavis ianuis ad discipulos venit, vt ex Euang. lectione Ioan. 20. constat, prout docent S. Greg. in hom. 26. in Euang. S. August. tract. 121. in Ioannē. S. Thom. 3. part.

q.28.art.2.& alijs alibi. Quare cūm Diaboli potestatem excedat miracula facere, concedendum non est, quod eius operatione fiat penetratio corporum. His præmissis, sit

Prima Conclusio. Non est à ratione alienum, quod quandoq; huiusmodi res non sint naturales, sed generentur ex malis humorum dispositione, ad modum rerum naturalium, & conservata resolvantur in materiam liquidam, ut Grillandus cum prima opinione sentit.

Secunda Conclusio. Aliquando etiam ex causis naturalibus in homine nascentur dura, & torsiones, dolores, & acutas infirmitates generant.

PATET de calculo & alijs rebus. Ad quod propositum probandum, multa ex medicis adferuntur à Ioanne VViero lib. d. cap. 16. Quare non est boni Christiani, omnes acutas internas, & longas infirmitates referre ad maleficia.

Tertia Conclusio. Secunda opinio à Grillando recitata etiam aliquando vera esse posset.

QVIA Diabolus tantæ est subtilitatis & potentiarum, quod possit illudere sensibus astan.

stantium, & veras res velocissimè afferre, &
apponere, motis prius doloribus & torsionib-
us in corpore, & membro infecto, quasi la-
teant intus res naturales.

Quarta Conclusio. *Quod huiusmodi
dura immittantur per extensionem poro-
rum, & pori iterum immisis huiusmodi re-
bus duris occludantur, imaginarium est, &
à naturali ratione alienum.*

QVIA pori ita sunt à natura constituti, ut
præter tenuissimum liquorem & sudore
nulla solida substantia egredi valeat, nec
patiantur sine cutis & carnis scissionet tantam
extensionem, ut tam crassæ, dure & solidæ ma-
teriæ immittantur, ut omnibus ratione vten-
tibus ad sensum patet. Quantum ad illa, quæ
adferuntur pro similibus, dissimilia potius
sunt. Aqua enim est liquida, & diuiditur in
omnem loci differentiam, & ad immissionem
alterius solidi corporis statim cedit, & educito
tali corpore iterum coadunatur. At alia ratio
est corporis humani solidi: diuisum sine sen-
su & dolore non coniungitur. De ictu fulmi-
nis etiam alia ratio est: Quia, ut Physici tra-
dunt, eius est naturæ, quod durum lædat, nul-
lo apparente signo in molli. Sic quandoq; ex-
perientia cognoscimus in hominibus fieri, ut
carne integra manente exterius, ossibus & ner-

Oo 5 uis

uis interius contractis & contritis, fulminis;
 Etus hominem laedit. Ad hoc facit quod Isidorus lib. 13. Ethymolog. Seneca lib. 5. & 6. naturalium questionum, & Plinius lib. 2. hist. nat. & alij tradunt, quod fulmen talis sit naturæ, quod loculis & bursis in nullo laesit, sed integris manentibus, suo tactu conflat & contumit pecunias, aut gladium in vagina liquefacit, vagina intacta. Non enim fulmen eodem modo omnem materiam laedit. Quæ enim ob duritiam ei resistunt, ut lapis, ferrum, æs, & similia, vehementius & fortius dissipat & contumit teneris, mollibus & rarioribus parcit. Hinc contingit, ut dictum est, quod quando hominem laedit, nihil vulneris exterius appetet, contritis interius ossibus.

Quinta Conclusio. Existim non esse negandum, aliquando res huiusmodi duras in partibus corporis, Dæmonis potentia & maleficorum opera includi.

QVIA multorum hominum diligentio clari inspectione compertum est, similes materias è corporibus excisas & emissas esse. In eis autem, quæ multis ad sensum patent, omnia ad deceptionem referre, quando clara sunt testimonia etiam Doctorum, infirmus intellectus. Quia multa sunt, & fiunt, & non est dubium ea esse, quæ tamen rectè non possunt

sunt cognosci, ut August. lib. 21. de Ciuit.
cap. 5. docet.

Sexta Conclusio. *A ratione alienum esse non puto, Dæmonem subtilitate sue scientie, & virtute potentie posse immittere homini profundissimum somnum, & medis naturalibus efficacissima operationis adimere sensum doloris, ut scissione carnem dividat, & huiusmodi materias duras imponeat, & iterum breuissimo tempore curet alijs naturalibus fortissimisq; remedis nobis incognitis.*

SI QVIDEM & medici vel chyrurgi naturalibus & soporiferis herbis nonnunquam immittunt soporem, ad remouendum dolorem, quando aliquod membrum abscindere volunt. Dæmonis autem peritia insignis est, & potentia eius maior, quam ab homine intelligatur. Nemo existimet, quod sine causa mille artifex dicatur. Nec quis admiratione capiat, quod nullum signum talis incisionis appareat. Cum cicatrix relinquatur, aut ob imperitiam medici, aut ob medicinæ debilem & tardam operationem, quæ omnia Dæmon supplere potest. Quare videmus, quod ceteris paribus præstantior Chyrurgus perfectius curat, & minorem cicatricem relinquat.

Huic

Huic Conclusioni congrua exempla ponit Nicolaus Remigius lib.2.cap.4. Quædam Margareta Ienina adiunctis sibi socijs, cùm proprium filium odiisset, inuencta est nocte à Dæmone in illius ædes, quæ erant in Sarbringen, vbi dormientem priustamen vnguento illinitum ad altius dormiendum, aggressæ simul sunt: sed cùm aliud fato aliquo impeditæ efficere non potuissent, testam humi repartam lateri filij, cui nomen erat Iaquilinus, facto prius vulnere, quod tamen momento coalesceret, inseruerūt: vnde etiam post multorum mensium vexationem videntibus multis erupit. Sennel Armentaria, quæ Dusæ in oppido Lotharingiæ pridie Calend. Octob. Anno 1586. mortis supplicium pertulit, confessa est, se in summum pedem cuiusdam Philippi Pistoris os è veruecina coxa inscruisse: cùm prius admota piscis spina vulnus fecisset, quod deinde callo obductum, ingentes diuturnos. que dolores eidem peperit, vt ab eodem pectori etiam postea compertum est.

Septima Conclusio. *Puto dissimilem imponēd rationem esse eorum, quæ immittuntur in carnosam corporis substantiam, & aliorum, quæ ad intestinæ & stomachum transiunt.*

RATIO

RATIO diueritatis est. Quia orificium, arteriæ, guttur & alia organa ad naturæ conservationem ordinata, ita sunt constituta, quod non dilatentur, aut comprimantur, nisi ad naturales suos effectus. Sēsum autem fugit, quod tam dura, solida & crassa transeant tam angusta foramina, sine dolore perceptibili. Etsi enim Dæmon sua subtilitate corpus penetrat, eiq; illabatur; non tamen potest mediantibus corporalibus rebus ita interius operari, sicut exterius in carne, ybi facilius actiua passiuis coniunguntur. VVierus lib. 4. de præstig. Demonum, cap. 9. vnum adfert exemplum ex Ioanne Langio, Illustrissimorum Principum Palatinorum Rheni medico, lib. 1. Epist. 38. Quod contigit Anno Domini à Christi nativitate 1539. in quodam Eistetensis Episcopatus pago Fugelthal. In hoc pago Ulricus Neusesser agricola, cum crudelibus dolorum tormentis circa alterum hypochondrium conficeretur, subito clavum ferreum sub illæsa cunte manu appræhendit, quem Chirurgus illuc balneator nouacula exciderat: nectamen cesarunt dolores, sed indies magis incrudescebant. Quapropter cum nec aliud doloris remedium fore miser, quam mortem suspicaretur, arrepto cultello, sibi guttur abscedit. Itaq; dum tertio die ad sepulchrum mortuus efferretur, aderant tum Eucharius Rosenbader ex VViesenburg, Noricorum oppido, ac Ioannes

ab

ab Ettenstet balneator, qui astante magna ho-
minum frequentia, de mortui agricolæ ven-
triculum inciderunt, in quo lignum teres &
oblögum, quatuor ex chalybe cultros, partim
acutos, partim instar serræ dentatos, ac duo
ferramenta aspera repererunt, quorum sin-
gula spitami longitudinem excedebant: ade-
rat & capillorum instar globi in uolucrum.
Sed quid potissimum h̄ic admiraberis? an
quomodo tot & tanta ferramenta in ventricu-
li cauitate contineri potuerint: an qua artes sint
ingesta? certa non alia, quam Dæmonis astu &
dolo. Hæc dictus auctor.

QVAESTIO VIII.

*Quomodo malefici aut sagæ nocte ædes
maleficiandi ingredi possunt, sine strepitu &
rumore, ita ut non deprehendantur?*

CONFESSIONIBVS maleficorum & sag-
rum didicimus, quod non raro de nocte
ædes intrant, infantes rapiunt, aut homines
dormientes beneficijs inficiunt. Quæritur er-
go qua ratione ita cautæ ædes & cubicula clau-
sa intrare valeant? Tractat aliquid de hac quæ-
stione Grilland. lib. 2. de Sortilegijs q. 8.

H̄ic in memoriam reuocandum est, quod
in superiori tractatu insinuatum, de custo-
dia & ducatu Angelorum. Sicut enim bonus
Ange-

Angelus homini dux est in bonis, ita malus in
malis. Dæmon enim magisterulus, quisuum
clientem incitat ad nocendum homini, nocte
dum homines dormiunt præcedit ad lo-
cum destinatum, fenestras, vel ianuas clausis
etiam fortissimis seris aperit, & maleficos vel
lagas intromittit, instruitque quomodo dor-
mientem maleficio inficeret debeant, imo
etiam aliquando dormientibus remedij so-
poriferis altiorem somnum imprimit, ad lec-
tum dormientis ducit, ac lumen producit ut
videant, cautè pannos discooperit, nec non et-
iam quandoq; suam operam impendit, ut po-
tum veneficij ori, naribus, vel auribus infun-
dant, vel corpus vunctione pestifera inungant.
Reexpedita Dæmon fenestras, aut ianuas ite-
rum recludit, quando malefici egressi sunt, ut
antea repererar. Nisi enim opera Diaboli vte-
rentur, incredibile videtur, quod intrantes
ædes alienas, in quibus fortasse nunquam fu-
runt nocturno tempore clausis ostijs & fene-
stris, ita tacite ingredierentur, & egredierentur,
nec aliquando deprehenderentur. Sie dicit
Grillandus se audiuisse à duabus mulieribus
maleficis, quæ examinandas habuit.

Retulit idem Ioannes Cuno de Rouer,
eius maleficij longam seriem retulimus in
prima parte superioris tractatus. Cum enim
Anna mater sua & duæ aliæ sagæ conuenissent,
ut de nocte virum quendam Zelosum perse-
cutorem

cutorem maleficorum maleficio conficerent.
Magisterulus præcedens fenestras & ianuas aperuit. Ipse autem Ioannes Cuno pro comite à matre & alijs adductus fuit, vt candelam ardentem, quæ non naturalis, sed arte diabolica confecta erat, (ipso Ioanne Cunone proprijs scriptis sic distinguente) teneret. Venientibus autem eis in cameram maleficiandi in ciuitatem Treuirensim, cùm maleficiādus pro more bonorum Christianorum se signo crucis & pijs exercitijs, antequam se quieti tradidisset, muniuisset, nihil efficere potuerunt, sed reinfēcta reclusis ianuis auolare debuerunt. Vir autem bonus, cui nocere voluerunt, adhuc vivit Dei gratia, & tam diu viuet, quād diu Deo placuerit. Mater dicti Ioannis Cunonis, cùm & ipsa examinaretur super articulis propositis eodem modo confessa est, sicut filius in hoc puncto. Si quis autem miretur, quomodo tam quietē hēc fieri possint quod homines non existentur. Respondeo quandoq; etiam homines euigilare, quando huiusmodi tentant facere, imò non nunquā aliqui percipiunt, quādo potionem infundere contendunt, & euigilant non sumpta sufficienti parte ad tollēdam vitam, sed tātum ad aliquorū membrorum debilitatem, vt exemplis doceri posset, si expediret. Qui autem talia magisteruli aut Martineti, siue malī ducis opera fieri miratur ita clanculum, vt homines semper non eo exci-

t. 11-

tentur: recognoscit quomodo Apostolus Petrus Acto. 12. dormiens inter duos milites, vincitus duabus catenis, & adhibita custodia ante ostium carceris, ipsa nocte, cum eum iam producturus esset Herodes, a bono Angelo nomine resuscitante eductus sit. Et ecce, ait scriptura, Angelus Domini astitit, & lumen refluxit in habitaculo: percussoque latere Petri, excitauit eum, dicens: Surge velociter. Et ceciderunt catenæ de manibus eius. Dixit autem Angelus ad Petrum: Præcincere, & calcia te caligas tuas. Et fecit sic. Et dicit illi. Circunda tibi vestimentum tuum, & sequere me. Et exiens sequebatur eum, & nesciebat, quia verum est, quod fiebat per Angelum: existimabat autem se visum videre. Transeuntes autem primam & secundam custodiā, venerunt ad portam ferream, quæ ducit ad ciuitatem, quæ vltro aperta est eis. Et exentes processerunt vicum unum, & continuo discessit Angelus ab eo. Et Petrus reuersus ad sedixit: Nunc scio verè, quia misit Dominus Angelum suum, & eripuit me de manu Herodis. Hic considerandum, quam secretò Angelus bonus Apostolum eduxerit, & aduentum, secundum naturalem potentiam non esse etiam difficile facere Martineto, quæ ei asscripsimus, in nocturno ducatu sui clientis.

Pp

QVAE.

*An Magi & Malefici nostri etiam possint seminibus & arborum floribus, nocu-
menta inferre productione ranarum, mu-
rarium, erucarum, locustarum, & similibus
stolarum?*

Ex confessione earum percipimus passim eas fateri, quod non raro huins-
modi operentur: proinde paucis huic quæstioni respondendum.

Prima Conclusio. *Certum est ma-
leficos & magos mediante Dæmonis opera
posse producereranas, cyniphes, erucas, & si-
milia animalia imperfecta.*

HAEC conclusio probatur ex scriptura Exod. 7. & 8. fecerunt malefici per in-
carnationes suas ranas, & serpentes. At Cyniphes
educere non potuerunt, non ob eorum im-
potentiam, sed quia aderat dominatio prohibe-
tis per Spiritum S. vt ait D. Augustin. lib. 3. de
Trinit. cap. 9. Vnde Scriptura inquit: Digitus
Dei est hic. Atq; quantum ad hanc Conclusio-
nem attinet eam communiter DD. Theologi
recipiunt. D. Hieron. Lyran. Dionysius Car-
thusianus, & alij in cap. 8. Exod. August. in loc.
cir.

cit. S. Thom. 1. part. q. 114. artic. 4. Alexander
Alensis in 2. part. q. 43. memb. 2. Magist. in 2. d.
7. in fine. Bonavent. & alij ibidem. Guilhelm.
Parisien. in lib. de vniuerso, part. 3 & alij com-
muniter alibi. Ad eundem effectum facit
Psalm. 77. Et dedit ærugini fructus eorum: &
labores eorum locustæ. &c. Et deinde sub-
iungit: immissiones per angelos malos. In
quem Psalm. legendi D. Augustin. Celsiodor.
& alij.

Secunda Conclusio. *Ad productio-*
nem talium bestiolarum & animalium im-
perfectorum, Dæmon ex pacto cum mago &
malefico tantum dispositiùe concurrit per
applicationem agentium naturalium.

HANC docet August. in d. lib. 3. de Trinit.
cap. 8. & post eum S. Thom. Alens. Bonau-
uent. & alij. Ait enim August. Non solum ma-
los, sed nec bonos angelos fas est putari crea-
tores, sed pro subtilitate sui sensus & corporis,
semina rerum istarum nobis occultiora no-
uerunt, & ea per congruas temperationes ele-
mentorum latenter spargunt, atq; ita igne-
darum rerum, & accelerandorum incremen-
torum præbent occasiones.

Tertia Conclusio. *Huiusmodi ani-*
malia iam ad operationem Dæmonum pro-
Pp 2 ducta

ducta ex operatione suæ naturæ nocumenta
inferant segetibus, floribus arborum, aut
fructibus adhuc teneris.

HVIVS Conclusionis sensus est, quod quidem productio huiusmodi bestiolarum facta ope diabolica, sit præter communem naturæ cursum, & ita mirabilis quantum ad producentem, & mouentem agentia naturalia ad suum effectum, præsupposita tamen productione, quod quædam depascant olera, alia flores arborum, quædam folia, nonnulla etiam hominibus molestissima sint, id conuenit naturæ talium bestiolarum. Hæc Conclusio sat probatur ex locis Scripturæ allegatis. Exod. 8. & Psal. 77. & DD. in eisdem locis. His accedit quod sicuti miracula non sunt multiplicanda sine necessitate: ita nec mirabilia censenda, que fieri communicuimus naturæ ratio conueniens suadet. Cum enim huiusmodi animalia licet imperfectiora sint, quippe quæ ex putrefactione facilimè generantur, & quasi à casu, auctore Aristotele lib. 7. Metaphys. tex. 23. vitam habeant, indigent nutrimento aliquo, atq; in id sibi conueniens ex natura indita feruntur. Ideo quando magi & malefici auxilio Dæmonis volunt hominum generi detimenta inferre in seminibus aut fructibus arborum, dæmones concurrunt, Deo tamen permittente, ad productionem similium animalium in

tanta

tanta copia, ut verisimiliter magna ex parte flores arborum, aut fructus adhuc teneros depascant, corrodant, mortificant & contaminent. Ex qua corruptione humano generi, ad cuius conseruationem fructus terræ & arborum necessarij sunt, damna maxima continentur.

Quarta Conclusio. *Possunt etiam magi & malefici auxilio malorum spirituum animalia imperfecta hinc inde in varijs locis conspersa congregare in uno loco & coaceruare.*

HANC, in qua Theologum non puto posse dubitare, breuiter docet Nicolaus Remigius Serenissimi Ducis Lotharingiæ consiliarius lib. i. Dæmonolatriæ cap. 21. Prodierunt anno præterito 1595. huius Auctoris Dæmonolatriæ lib. 3. in quibus ex indicijs capitibus nongentorum plusquam minus, qui propter sortilegij crimen intra annos quindecim in Lotharingia, vbi ipse est cognitor publicus, morte multati sunt, omnes effectus, quos maleficis & strigibus tribuimus, multarum confessionum exemplis ostendit atq; illustrat. Conclusionem hanc nunc paucis probamus. Atq; in primis ex communi & recepta Theologorum doctrina. Corpora hæc inferiora etiam angelis malis, quatum ad motum

Pp 3 loca-

localem obediunt (intellige semper, nisi Deus cui omnia subiecta sunt, impedit.) Atq; hanc propositionem post S. Augustin. lib.3. de Trinitate cap. 8. & 9. tradunt S. Thom. i. par. q. 110. art. 3. & lib. 3. contra gentiles, cap. 103. S. Bonavent. Palud. Richard. & alij cum Magistro in 2. d. 7. Sylvest. in verb. Maleficium. q. 2. Franciscus Victoria in relect. de arte magica, à nu. 52. Benedict. Pererius lib. 1. de magia, cap. 6. & alij alibi. Vnde citissimè & celerrimè propter magnam potentiam & virtutem possunt corpora de loco ad locum transportare. Hinc sicutires alias alibi factas Dæmones celerrimè ad magorum aliquando ostentationem ex locis etiā latè distantibus possunt aportare: Sic quoq; valent animalia imperfecta & minutiora in diuersis locis via naturali enata, coaceruare, & in locum destinatum mouendo cōgregare. Qui enim homines mouendo celerrimè ex diuersis locis in vnum locū potest coadunare: quid impedit, quo minus erucas, limacees, locustas & similes bestiolas in vnum locum cogat? Atque hoc modo fieri potuit, quod aliquando memini relatū, quosdam ex nostris maleficiis confessos, quod habuissent tempore quodam autumni vas plenum limacibus paruis ad perdendum semina frugum. Dæmoni enim minimè difficile est paruo tempore colligere, & uno loco includere magnum cumulum, & quasi infinitum numerum minuti-

autiorum bestiolarum. Nicolaus Remigius refert exempla ex procelibus & indicijs in hunc modum. Alexia Violæa in agro Tentræ Arno Domini millesimo quingentesimo octuagesimo tertio refert se, postquam bachtantium more hac atque illac vñacum & equalibus multum discurrisset, solitam in aere spargere minutum quendam puluerem, ad id sibi idcirco à Dæmone concessum: vnde erucæ, bruchi, locustæ, atque id genus pestes satorum adeo densæ nascerentur, ut ijs agri ilicò vnde quaque contaminarentur. Appra Hoselotia, Alexia Drigæa, Odilla Boncuriana, & Rosa Gerardina memorant se simili facto ingentem murium copiam non semel in agris excitauisse, qui ilicò in terram se abderent corrodendis ortarum frugum germinibus: Et post quædam subdit: Quemadmodum nostra ætate visus est Nanceij Comes quidam è Germania vniuersas cubiculi muscas circa infixum in parietem pugiunculum congregans, non aliter atque apes in fuga vberis instar è ramo pendere solent. Et aliis è tota vicinitate, ac confinio excitos angues in ignem Magico circulo conclusum inducēs, ac cùm ex ijs quæ corpore immanior erat, in illum ingredi detrectaret: coacta est tamen repetito idem carmine id facere, ac se cum cæteris in obiectum ignem dedere & prouoluere. Hæc ille. Ex his nō est difficile colligere,

Pp 4 quis

qua ratione quidam incantatores aliquando in alicuius aedes, cui male volunt, maximum glirium, aut murium numerum cogant; ut trumenta consumant, & alias molestias inferant. Non enim in verbis, aut signis est aliqua virtus coactiva, sed Dæmon ex pacto ad prolationem verborum & applicationem signorum operatur ad coadunationem murium, & glirium in tali loco, quem incantator & magus præfigit. Cum hic mentionem fecerimus, dæmonem per motum localem variâ operari, dubium occurrit hoc loco soluendum, ut constet, an superstitionis sit credere, vel aliquid veritatis obtineat opinio illa, tam quorundam incantatorum & magorum, quam etiam multorum venatorum, qui existimant incantationibus impediri posse capturam ferarum. Ad quod dubium respondeatur affirmatiè fieri posse ut impediatur capture ferarum incantatione & arte magica. Ut hoc melius intelligatur, recolendum quod feræ aut canibus capiuntur, quemadmodum ut plurimum lepores multi capiunt: & tunc impedimentum potest fieri à Dæmoni ex parte canum insequentium leporem, quos in cursu potest impedire, vel in apprehensione: aut etiam leporem velocius potest impellere, & motu locali transferre, ita ut canes effugiat. Si autem feræ retibus sint capiendæ, his modis aut similibus impedimentum opponitur. Aut anteretia potest se in cor-

incorpore assumpto ponere, ut feram anteuertat, vel ad eundem finem imprimere illusionem phantasmati feræ, ut appræhendat hominem, vel canem sibi aduersantem. Aut de-niq; transferendo per motum localem feram, ne retia attingat: vel eadem etiam retia inuisibiliter eleuando, ut pateat securus transitus. Cùm enim Dæmon sū mille artifex, non desunt illi modi, quibus hominum commodis aduersetur, & suorum clientum, scilicet incantatorum & magorum caussam promoueat: Si quidem incantatores omnem fiduciam collocant in suis incantationibus & signis magicis in ordine ad præstandum impedimenta capturæ ferarum, ita & ipse ex pacto tacito, si non quandoq; etiam expresso, concurrat tanquam fidelis cooperator ad impediendum, ut augeat rerum vanam confidentiam, & suam falacem fidem confirmet.

LEX V.

Nemo Auruspicem consulat, aut Mathematicum: Nemo Ariolum: Augurum & ratum prava confessio conticescat, Chaldaei & Magi, & cæteri, quos maleficos ob facinorum magnitudinem vulgus appellat, nec ad hanc partem aliquid moliantur. Si leat omnibus perpetuo diuinandi curiositas:

Pp 5 Ete-